

झान्सेयारि 'बड'सा' खौरांलाइयाव
समाजयारि जिउजो लोब्बा थावाय रायथाय, खन्थाय,
सल', सल'बाथा आरो दावबायारि थावनि, पार्क
बाइदिनि सायाव लिन्नाय लिन्निदां देथाय हर/
झान्सेयारि 'बड'सा' खौरांलाइया खेबखानावे
फोसावगोब।

बड'सायाव लिन्नायवि हुबा खालाम,
'बड'सा' खौरांलाइया, जो बयबो आंगो खालाम।

सानसेयारि बड'सा मावखलि

माइबं नोगोर, जोहोलाव दैमाल लामा

कक्राझार, बिटिसि-783370

Website: www.bodosanewspaper.com

सानसेयारि बड'सा



BODOSA ★ A Bodo News Daily ★ Thursday ★ 1 October, 2020 Kokrajhar, BTC, Assam ★ Vol.- 30, Issue No. 187 ★ R.N.I.Regd.No.40994/91, AssamGovt.Regd.No.IPRD.40/2006/13, ★ Rs.8/-

मेट्रिक आन्जादआव उथिसार जानो हानाय गुणगोनां फरायसाफोरनो आनदराम बरुवा बान्थाखौ गथायबाय बान्था मोन्नाय साफ्रोमबो फरायसाफोरा इयुनाव गोखों सुबुं सम्पद जाहैनांगोनः गिबि मन्थि

दिसपुर, 30 सेप्टेम्बर : आसामनि गिबि मन्थि सर्बानन्द सनवालआ दिने श्रीमन्त शंकरदेव कलाक्षेत्रनि श्रीमन्त शंकरदेव मुलुगनां जुथुमग्रान'आव राइज्यो सरकारनि गेजेर सोलोथाय बिफाननि गेजेरजों खुंनाय मोनसे मेहेर गोनां हाबाफारिआव 2020 बोसोरनि गोजौ फरायसालिनि जोबथा आन्जाद एवा मेट्रिक आन्जादआव 75 जोखोन्दो एवा बेनि बांसिन नम्बर मोनो हानानै उथिसारनाय (□ 5 बिलाइआव)



सनितपुर जिल्ला एबसुनि दैदेन्नायाव गुबुन गुबुन जायगायाव कमिसननि सोद्रोमाफोरखौ गाब गोनाडै बरायदों

ढेकियाजुलि, 30 सेप्टेम्बर : सनितपुर जिल्ला दुलाराय बर' फरायसा आफादनि बेन्दोयाव थानाय टे लामारा दखरानि सिलिखाबारि गेजेर आरो गोजौ फरायसालिनि रंजा मनसआव ढेकियाजुलि, सोनाब तेजपुर आरो टे लामारा मोनथाम दखराजों जथाये गोदान कमिसननि सोद्रोमा महेर सायख'जानाय दालिम बायन आरो जयन्त बसुमतारिखों गाजा-गोमजायै होनानै बरायनाय जायो। बे बरायनाय हाबाफारियाव (□ 5 बिलाइआव)



गुबुन गुबुन दोलो आफादनिफ्राय गिबि मन्थि सनवालखौ लोगो हमदों

दिसपुर, 30 सेप्टेम्बर: आसाम एडमिनिस्ट्रिस्टिप स्टाफ कलेजआव दिने गिबि मन्थि सर्बानन्द सनवालखौ कच, गर्खा आरो

आदिबासि हरिनि थानै दोलोफोर लोगो हमो। गिबि मन्थिखौ लोगो हमनानै अल आसाम कच सनमिलिनिया थाबैनो एसटि होनां गौनि थाखाय दाबि दैखानायजों लोगोसे कच हरिनि

राव आरो हरिमुखौ रेखाथि होनानै लाखिनांगौनि थाखाय गोखों दाबि दैखाडो। बे थानै दोलोआव दुलाराय आसाम कच फरायसा आफादजोंलोगोसे कच थुनलाइ (□ 5 बिलाइआव)

गिबि मन्थिनि रेखाथि थुबिलआव एटिडिसिनि 1.6 कौटि रानि अन्सुथाय

दिसपुर, 30 सेप्टेम्बर: दिने आसामनि टुरिजम डेभलपमेन्ट कर्पेसन लिमिटेडआ गिबि मन्थि सर्बानन्द सनवालनि रेखाथि थुबिलआव गासै 1.6 कौटि रानि अन्सुथाय गथायो। बे अन्सुथायखौ (□ 6 बिलाइआव)

बिटिसियाव थाबैनो बिसायख'थि खुंनो शिब सेनानि दाबि

बासुगाव, 30 सेप्टेम्बर: कभिड-19 नि लानो गोनां गासैबो रेखोमनि राहाफोरखौ लानानै दिन्दानानै थानाय बिटिसिनि बिसायख'थिखौ खुंनो थाखाय दाबि दैखोंदों बिटिसि (□ 6 बिलाइआव)

बिजेपि सरकारनि हेँथायै अबर' सुरक्षा समिटिया सोमावसारदों

मुसलपुर, 30 सेप्टेम्बर: सिगानिफ्रायनो बर'फोरनि हेँथायै बायदि मैया रावजों गसंथेबोनाय अबर' सुरक्षा समिति मुनि आफादआ फैगौ जानो गोनां (□ 6 बिलाइआव)

कचुगावयाव मैदेरनि हाथायजों लोगोसे साब्रै सुरां फालांगिरिफोरखौ एस्ट



गसाइगाव, 30 सेप्टेम्बर: बुधवारखालि फुनि 4:00 रिगासो समाव कचुगाव डिभिजननि सिखव थानाय महेन्द्रपुर-राजाबारि ओन्सोलाव सुरां फालांगिरिफोर

फबनानै दोन्नाय बेसेन गोसा जरसे मैदेरनि हाथायखौ बोखानो हायो। मख'नाय बायदिब्ला रेन्जार प्रान्जल टालुकदारनि दैदेन्नायाव (□ 6 बिलाइआव)



कक्राझार, 30 सेप्टेम्बर: थानाय 25 सेप्टेम्बरखालि 31 बि एएसबिआ सराइगाव गामियाव मानसि आरो जुनातनि मोनसे फाहामथाय बादो लायो। बे फाहामथाय बादोयाव जायगानि गासै सा 135 जायगानि सुबुंफोरखौ देहानि आन्जाद नायनानै मुलि गथायनानै होयो। गुबुन फारसे बे हाबाफारियावनो न'याव फिसिजाग्रा गासै मा 403 मि जुनातफोरखौ (□ 6 बिलाइआव)

कक्राझार, 30 सेप्टेम्बर: ब्रह्म धोरमनि गाहाय फोसावगिरि जगेश्वर ब्रह्मखौ ब्रह्म धोरम सिबियारि आइ-आफाफोरनि बाहागो लानाय आरो एबसुनिफ्राय जागानानै गुबुन गुबुन दोलो आफादनि दैदेनगिरिफोरनि नुजाथिनायाव जोबथा बिदाय होनाय जाबाय होन्नानै दुलाराइ ब्रह्म धोरम लाइमोन आफादनि आफादगिरि मन्थि रन्सा बसुमतारिया फोरमायथि हरदों। बिथाड फोरमायथि हरनाय (□ 5 बिलाइआव)

करनानि थासारिया मुलुगनाडैनो गिथावनासिन महर लागसिनो दड

वाशिंगटन, 30 सेप्टेम्बर: मुलुगनाडै करनाजों सन्देनाय रेगिनि बिसाना 3.38 कौटि जानायनि बेरेखायै भारतयावनो बे बिसाना 62 लाख 35 रोजा 140 सिम जाहैबाय। बुधवारखालि बेनि गेजेरव 52 लाखसिम फाहामखानायनि उनाव न'फारसे दैथायहरफिन्नाय जायो। अदेबानि बोहैथि समसिम हादतनि गुबुन गुबुन फाहामसालिफोरगव करना रेगिफोरखौ फाहामथाय होबाय थानाय जादों।

करनानि फारसे बाल्ट डिजनि फार्सनिफ्राय बुनाय बायदिब्ला थासारिया जोबोर गात्रि (□ 5 बिलाइआव)

बिसायख'थि खुंनंगौनि दाबिजों बि पि एफनि सोमावसारनाया सोलिगासिनो

कक्राझार, 30 सेप्टेम्बर: ओन्सोलाव राइजो-राजाजों सायख'जानाय सरकारनि गेजेरजों राइजो-राजानो थार खुं थाय होनांगौनि गेदेस्थार सार्थखौ लानानै बिपिएफ दोलोआ बिटिआरनि बिसायख'थि खुंनो गुबुन गुबुन हाबाफारि लानानै सोमावसारनाया सोलिगासिनो दड। बेबायदिनो लाखानाय हाबाफारि बायदिने दिने बिटिआरनि (□ 5 बिलाइआव)



आत्म निर्भर आसामखौ दाफुनायनि बेलायाव मिथिंगायारि सम्पदआ गोनांथार बिफाव लायो: गिबि मन्थि

दिसपुर, 30 सेप्टेम्बर: प्रधान मन्थि भन-धन यजनानि आवथायाव थानाय त्रिसाम मुनि हाबाफारिखौ गुवाहाटीयाव बेखेवना होना गिबि मन्थि सर्बानन्द सनवालआ फोरमायनाय बायदिब्ला राइज्योनि गुबुन गुबुन ओन्सोलाव थानाय मिथिंगायारि सम्पदफोर आत्म निर्भर आसाम

दानायनि बेलायाव मैखोम बिफाव लाबोदों। नोजोर होनो गोनादि, भन धन बिकास केन्द्र एवा भिडिडिके नि आवथायाव थानाय गुबुन गुबुन गोदान दिहु-थायफोरखौ बेखेवनानै गिबि मन्थि सनवालआ मख'नाय बायदिब्ला प्रधान मन्थि भन धन यजनाखौ थानाय 2018 माइथायाव (□ 5 बिलाइआव)



सासेबो दायनिगिरियानो बाग'नाय नडः गिबि मन्थि

दिसपुर, 30 सेप्टेम्बर: गिबि मन्थि सर्बानन्द सनवालआ दिने गुवाहाटीयाव जानाय मोनसे हाबाफारियाव बाहागो लानानै बुंदोदि, आसाम पुलिसनि एसआइ लिन्थि आन्जादआव बाहायजानो गोनां सोथि बिलाइ लिंकआउट जानाय जाथायजों लोब्बा थानाय सासेबो दायनिगिरिखौ रेहाय होनाय जानाय नड। बिथाड मख'नाय बायदिब्ला गेनाजों लोब्बा थानाय जाथायखौ (□ 5 बिलाइआव)

बाबरी मसजिद जेनाखौ लानानै बिजिसालिया होनाय रायखौ आडबानी आरो मनहर जशिआ बरायनानै लाबाय

लक्ष्मी, 30 सेप्टेम्बर: बुधवारखालि सिबिआइनि जुनिया बिजिसालिया हादतनाडैनो गेदेस्थार जेना महेर गोलाव सम दिन्दानानै थाबोनाय बाबरी मसजिद जेनानि सायाव मोनसे राय होयो। बे राय होनायजों बिजेपिनि गागु दैदेनगिरि लाल कृष्ण आडबानीजों लोगोसे गुबुन सासे गागु दैदेनगिरि मुरलि मनहर जशि (□ 5 बिलाइआव)

लाइमोन बिपिएफ आरो बिएसइउआ गसाइगावयाव सोमावसारदों

गसाइगाव, 30 सेप्टेम्बर: राइज्यो सरकार आरो राइज्यो बिसायख'थि आयगआ थानाय एफ्रिलखालि जानो गोनां बिसायख'थिखौ दिन्दां होनानै दिनेसिम बिसायख'थि खुंनो थाखाय सम आरो अक्ट फोसावेखौ लाना दिने गसाइगावयाव लाइमोन बिपिएफ आरो बिएसइउआ जुथायैनो मोनसे सोमावसार हाबाफारि लायो। (□ 5 बिलाइआव)

फरायसुला-फरायसुलिफोरनि गेजेराव थुलुंगाखां हाबाफारि

बासुगाव, 30 सेप्टेम्बर: लकडउनि थाखाय फरायसाफोरनि लिस्नाय फरायनाया गात्रि महर लानायखौ नोजोर होनानै लोरवां जानानै थानाय फरायसाफोरनि गोसो मेलेमखौ थुलुंगाखां होनो थाखाय नब' युब संघ आरो लाइब्रेरि मुनि गौथुमनि बान्जायनायजों सानैनि हाबाफारि लानानै सावगारि आखिनाय बादयनाय, खन्थाइ आवरायनाय आरो सांगाव बादयनाय हाबाफारि खुंनाय जायो। बेबायदिनो मेट्रिक आरो हायार सेकेडरि थाखोयाव मोजां नम्बर (□ 5 बिलाइआव)

दिने बड'लेन्ड आलासि बांलायाव एमपि नब कुमार शरनिया

कक्राझार, 30 सेप्टेम्बर: कक्राझार थानाय बड'लेन्ड आलासि बांलायाव खौरगिरि मेल लैथुमनानै एमपि नब कुमार शरनियाआ दाबिनाय बायदिब्ला फैगौ बिटिआर बिसायख'थिथाय मोन 30 निफ्राय मोन 35 सिम मासि लानानै बिटिआरनि सरकारखौ दागोन। शरनियाआ दाबिनाय बायदिब्ला गावनि गन' सुरक्षा पार्टीखौ गुबुन गुबुन हरिजों लोगोसे अबर' सुबुंफोर मदत (□ 5 बिलाइआव)



सुजुगिरिनि खोलोम

सुबुंफोरा बाइदिसिना सान्थौ लानानै सिगांनो मोजां मोनो

सांफ्रोम सुबुंफोरनि सान्नाय-हनाया समान जाजोबनो हाया। माखासेया बयनिबो मोजां सान्नाय, समान जौगानाय, थानानै थानायनि समान राहा-लामा, जौगानो हायैखौ जौगाहोनो नाजानाय बाइदिसिना सान्थौ लानानै सिगांनो मोजां मोनो। बिब्दिनो माखासेया जाथावथारैखौ सान्नाय, बुंनानै सुबुंनि गोसोयाव गात्रि सान्नाय-हनाय सोनानै दावराव-दावसि खालामनो थुनजलाइनानै थासारिखौ गुबुंले खालामनो नाजाप्राफोरबो थायो। बुंनो थाडेव्ला समाजयाव मोनै जिराद-मोजां आरो गात्रि होन्नाय थानाय खायनो मोनसे समाज एबा हादत आरो राइज्योयाव थालाये गोजोन फैनयाव हँथा मोनबोदो। मानोना माखासेया गोजोन लुबैयोव्ला माखासेया बेनि बेरेखायै थानानै गोजोन थासारि सिमफायनो नाजानायव सम सम जाथावनाडै थासारिबो सोमजिनाय नुनो मोनबोदो। थारैनो अरायथा गोजोन थासारि गायसन्नाय, ओन्सोलनि जौगाखानाय लाबोनो नाजानाय बाइदि समाजनि मोजां हाबा-हुखायाव माखासे गुसेब सान्थौनि दैदेनगिरि आरो आफादफोरा गावयारि सार्थनि थाखाय बेरेखा खालामनायनि मुडै सैयैनि बाध्राजो बांसावनानै आगान सुरनो लानाया थासारिखौ गुबुंले खालामनायल' नड बिब्दि राहा-लामाया ओन्सोलनि जौगाखानायवबो थानाय लाबोनो हागौ।

दासान्दि बिटिआर बिसायख'थि खुंनयखौ लानानै राइज्योनि बिसायख'थि बिफानआ मोनबो रोखोमनि थांखि फोसावथ'थाखै। बे थासारिखौ लानानैनो राजखान्थि दोलोफोरा राइज्यो बेंगिरि खुंथाय जोबहैनायनि सिगां सिगां बिटिआर बिसायख'थि खुंनो दाबि खालामनायखौ नुनो मोन्दो। बेनि थाखाय बिटिसि खुंथाय सामलायबोनाय बिपिएफ दोलोया बिसायख'थि खुंनो गनतान्थिक राहाजो बाइदिसिना हाबाफारि लानानै सोमावसारनायबो नुनो मोन्नाय जादो। राइज्योनि खुंथाय गोहोयाव थानाय जुथाय सरकारनि बाहागोदार बिपिएफआ बिटिआर बिसायख'थि खुंनो दाबिनानै सोमावसारनायनि लामा लानो गोनां जादोव्लाबो फार्सेथि गुबुन मोनसे बाहागोदार दोलोया नाथाय बिसायख'थि खुंनयनि सायाव रोखा खालामनो हायाखै। करना भाइरासनि थाखाय बिसायख'थि खुंनो हाथावना थासारि सोमजिनाय-सोमजियैनि गेजेरावनो हादतनि माखासे राइज्योफोराव सरासन्ना बिसायख'थि आरो गेजेर खलब बिसायख'थिनि थाखाय माखासे गाइडलाइन फोसावनानै बिसायख'थि खुंनो थि खालामनायबो नुनो मोन्नाय जादो। बे बिथिडे बिटिआरनि बिसायख'थियाबो खुंजानो हागौ होन्नानै मिजिथि लानो हागौ।

दिनैनि फानजामुथि

राशि बाइदियै मुंनि गिबि हांखो
 मेष : अ ल बृष : ऊ ब (उ ए इ) मिथुन : क छ (ड घ) कर्कट : ड ह सिंह : म ट कन्या : प ट (ण ष) तुला : तर बृश्चिक : ब न धनु : ध भ (ड फ) मकर : ख ज कुम्भ : ग श (स) मीन : द च (ख ज झ)

- मेष:** खामानि-दामानि मावनांनानै देहाखौ मैनाय मोन्नो हागौ। सानै-हयै मावनांगोन।
- बृष:** रंजा-बाजा खालामनानै दिनखौ बारग'होनो हागोन। फारफ्रोमथिबो मोजां।
- मिथुन:** फालांगि मावोबा रांखावरि मुलाम्फा खालामनो हागोन। बे राशिनि थाखाय गाहाम सान।
- कर्कट:** माखौबा लानानै गिनाय सोमजिनो हागौ। गोसोफोरखौ लोरबां खालामनो नाड।
- सिंह:** बादायनायाव देहासार जानो हागौ। फारफ्रोमबो जै जानो हागोन। मोजां सान।
- कन्या:** जेना-जैसिफोरखौ सुस्रानानै लानो हागोन। सुखुयै थानो हागोन। मोजां सान।
- तुला:** सोरजोबा माखौबा लानानै दावराव-दावसिफोर जापलांबायनो हागौ। गोसोखौ हमथानानै था।
- बृश्चिक:** मोजां मोनलायनायाव अनलायनाय फैगोन। दोलेंआ गोरा जागोन। मोजां सान।
- धनु:** मानिबा जाहोनाव महर-मुस्रिआ गोमालानो हागौ। देहाखौ सांग्राडे लाखि नांगोन।
- मकर:** मोजां खामानिफोर मावनो गोनां दडबा मावनो नाड। जेनायाव गोग्लैनो हागौ। गोथार सान नड।
- कुम्भ:** बायदिसिना सानखानानै जिगा सिनो हागौ। जेनाया जोबनाय नड। गोसोखौ हमथा।
- मीन:** जेखि मावा मानो गोबांथार खहा जानो हागौ। जेबो खामानियाव आखाय होयैआनो मोजां।

हाइकु खन्याइ आरी माखासे हाइकु

-अनिल कुमार ब्रह्म

एसेल' सोदोबजो गोबां बाध्रा फोरमायनाय सोदोबनि आरिमुवा खन्थाइनि मोनसे जुनिया आखुथाइ। जापानी 'हाइकु' खन्थाइफ्रा बे आखुथाइखौ गाहामैनो आजावदो आरो मोनसे जुनिया सोदोब आरिमुनि गोर होदो। दोंथाम सारिजोनों जानो हागौ दोसे आबुं खन्थाइ। लिमारिकिआव थायो दोंबा सारि। लिमारिकिनिखुइबो सुंथाबसिनबाव 'हाइकु' खन्थाइफ्रा। मोनसे बिदिन्थि :

निहिर सिनाय बार नांनय थालिर बिफां,
 हराव आं उन्दुदों
 थर थर अखा सेरदों, आइजेडव।
 फुरुदा चिय'ननि। सासेल' फिसा थाम बोसोरारि फिसाज्जानि हरखाब थैनायाव दुखुयाव बिखा गावनाय बिमा फुरुदाया लिरदों :

Hokku
 Dragonfly catcher
 where today
 Have you gone?
 (गान्दौला फानदिंघ्रा गथ'
 दिनै बबेव नों,
 बहा थंखो।)

बे 'हक्कु' बिमुनिफ्रायनो 'हाइकु' खन्थाइफ्रा सोरजि जादों होन्नानै गोबां थुनलाइ बिजिरगिरिफ्रा बुंनो सानो। खन्थाइखौ फरायनानै रुस हादरनि रावतत्वबिद, बिजिरगिरि आरो राव सोलायाग्रा बरिच अकुनिनआ गोमोनानै लिरदों, आं मा जालांखो जेबो बुंनो हायाखिसै। खन्थाइनि समाइनाथिया आंखौ मुहिनायल' नड, बेनि गोहोखौ मोन्दांथिनानै आं सोमोनांदों। बेनि ओन्थोर इंसिनि बिखोमाया आंखौबो बिखोमानां खालामनायसै। आं जेन बुंफुरलु नागिरना मोनाखिसै।'

बे खन्थाइया खोब सुबुं अन्साइ जानाय जादोंमोन आरो बेबादिनो गोबां खन्थाइगिरिफ्रा 'हक्कु' बादि दोंथाम सारिनि खन्थाइ लिरनो हमनायसै। बे 'हक्कु' निफ्रायनो बेबादि दोंथाम सारिनि खन्थाइ आरिमुखौ 'हाइकु' ' मुं खारिनाय जादों होन्नानै माखासे थुनलाइ बिजिरगिरिफ्रा बुंनो सानो।

नाथाय माखासे थुनलाइ बिजिरगिरिफोरनि मथेव्ला बाछ'वासो 'हाइकु' खन्थाइनि जोनोम होगिरि। बाछ'आ फरायसाफोरखौ खन्थाइ लिरनो फोरोंग्रा सासे अस्तादमोन। बियो दिन्थि लांदोंमोन माखासे खन्थाइगिरिफोरनि सोरजिनाय

सरजाबनाय खन्थाइ : रेंकु। 'हक्कु'वा रेंकु खन्थाइनि गिबि खन्थाइ गज'। रिकुवा जादों माखासेमानि खन्थाइगिरिया मोनसे समावनो लिरनाय खन्थाइ आरिमुनि मुं। अस्ताद खन्थाइगिरिया सरासन्नायै 'हक्कु' लिरो। गुबुना उननि खन्थाइ गज' आरो फारियै गुबुन गुबुन खन्थाइगिरिफ्राबो बेव खन्थाइ गज' लिरदेर फायो।

बाछ'नि आखाइयावनो 'हक्कु' खन्थाइया गोर लायो। उनाव बेनो 'हाइकु' मुडे मोनथि जानाय जायो। 5+7+5 फारियाव गोर लानाय हांखो लारि (syllabic) खबामनि मोनसेल' खन्थाइ गज'वानो हाइकु। हाइकाइ', सोदोबखौ बाहायनाय जायो गासै हाइकु थुनलाइखौ बुजायनो थाखाय। बेयो रेंकु, हाइकु, हाइबुन आरो हाइकु खन्थाइनि बुंफुरलुखौ बुंजायो। हाइबुननि ओंथिया जादों-गुसुं रायथाइ, हाइकु।

गाहायाव माखासे हाइकु राव सोलायना होनाय जाबाय :

(1)
 बिलाइफ्रा सिरिबाय
 गोजाम फुखिनि
 एम्बुनि बैसोआ बांबाय। (जंछा बुछान)

(2)
 आंनि आयोवा
 बेसे गोलाव ?
 मोनसे गुसुं हर नड (माछका चिकि)


(3)
 उन संग्राखौ
 सांग्रेमा एम्फौवा नोजोर होबाय
 गावनि आंगो पहरजों (ओनगो अयेमारु)

(4)
 आं सान्दोंमोन
 हाग्रायाव थोबसे बिबार सिरिनानै दं
 नाथाय नड, बेयो मासे दाउसो। (नि चियामा च'यिन)

(5)
 अखाफोरा बिबार जानानै बारो
 जेव्ला आइजोफोरनि देहाया
 लांथिया जायो। (कागा न' चिय')

(6)
 बैथि सासे बिबाइयारि थांगासिनो दं,
 बनि सिडव सोगों आरो मैदो
 बेनोदि बनि गोजां बोथोरनि पछाख। (किकाकु)r

रैखाथि बिथिडव गावनि आथिडव गसंनो थाखाय राजनाथआ स्टार्टअप चलेन्जखौ जागायबाय



गोदान दिल्ली, 30 सेप्टेम्बर : मिरुआरि रैखाथि मन्थ्र राजनाथ सिंआ आथिडव गसंनय आत्मनिर्भर भारत अभियाननि गेजेरजों रैखाथि बिथिडव गावनि आथिडव गसंनो हानाय खालामनो थाखाय मोनसे स्टार्टआप सेलेन्जखौ जागायो। डिफेन्स इन्डिया स्टार्टअप सेलेन्ज (डिस्क-4) नि गेजेरजोंरैखाथि बिथिंनि गोखौडे संदानो थाखाय थासारिया थियारि मंगलबारखालि रैखाथि मन्थ्रया आइडेक्स 4 फौजि आरो प्रडाक्ट मेनेजमेन्ट अप्रच (पिएएम)नि बिथोनबो फोसावबाय। बिजों रैखाथि हाबाफारिनि गुनआ आबुडेबारायनायनि मिजिं डड। मख'नो गोनांदि, आबुडेबारायनायनि मिजिं डड।

बेबायदि गुन गोनां सान्नाय इनाय जादों। बेनि गेजेरजों रैखाथि बिफानआ बिबुंथि फोसावनानै बुडेदि, भारतआरि सांथ्रिनि गुन गोनां सान्नाय-हनायनि जाहोनाव सांथ्रिआरि हान्जाआ गोबां गोखौं मोनबाय बे बिथिडव गावयारि बिफाननि गान्नाय बिफाव थागोन। बेनि थाखाय गावयारि बिथिंनिफ्राय हेफाजाब होनाय, टेकनिकखौ लांलाय लाबोलाय खालामनाय आरो 74 जौखोन्डो एफडिआर बायदि गिदिर थांखि लानाय जादों। बेजों लोगोसेनो मोन 101 था बे सादफोर खौ गुबुन हादतनिफ्राय लाबोनायनि सायाव होबथानाय जादों, जाहाथे बिसोर भारतआव बे मुवा-बेसादफोरखौ बानायनो हायो।r

भारतआ मालद्वीपनो डर्नियार उरां जाहाज जगायनानै होबाय



गोदान दिल्ली, 30 सेप्टेम्बर : भारतआ मालद्वीपनो गंसे डर्नियार उरां जाहाजखौ जगायना होदों। बेजों मालद्वीपआ रांखाथिखौ जौगाखां होनो हागोन आरो लैथोमायाव उतरखारिफोरनि सायाव नोजोर लाखिनो हागोन। बे उरां जाहाजखौ मालद्वीप नेसनेल डिफेन्स फर्सनि गेजेरजों सामलायनाय जागोन। मालद्वीपनि बै समनि हादतगिरि आबुदुल्ला यामीनआ 2016 याव भारतखौ दावबायनाय समाव गावनि हादतनि थाखाय लैथोमाखौ नोजोर होग्रा डर्नियार उरां जाहाजनि गोनांथिखौबो फोरमायदोंमोन। बे उरां जाहाजखौ सामलायनो थाखाय भारतीय नेभीया मालद्वीपनि पाइलट, नोजोर होग्रा हाबाफारि मावग्रा आरो इन्जिनियारफोरजों लोगोसे सा 7 सांथ्रि मावसुमाफोरनो ट्रेनि होदों। उरां जाहाजखौ निसा मुवाखौ खाना लांनय आरो आयेननि बेरेखा ना हमनाय बादि थासारिनि सायाव नोजोर लाखिनो थाखायबो बाहायनाय जागोन। भारतआ निसा मुवा खाना लांनयनि सोमोन्दै सम सम मालद्वीपनो खौरां हरो। नबेम्बर 2018 याव इब्राहिम महम्मद सालेहआ हादतगिरि जानायनि उनाव भारत आरो मालद्वीपनि सोमोन्दोया जौगाखांदोंमोन।r

करनाजों थैनायफोरनि हारखौ लानानै बिगियानगिरिफोरा जेनायाव गोग्लैदों

वासिंटन, 30 सेप्टेम्बर : कभिड-19 इनफेक्सन जानानै मुलुगनाडै थैनायफोरनि अनिज्माया 10 लाख बारबाय। बेनि गेजेरावनो बिगियानगिरिफोरा इनफेक्सन जानानै थैनायफोरनि हारखौ लानानै जेनायाव दं। कभिड-19 जों थैनायनि हारखौ रोखायै मोन्नो थाखाय बे आयदाया गोनां। मोनसे थि आरो रोखा थैनायनि हारआ जादों इनफेक्सननि गासै केसफोरजों थैनायखौ रुजुनाय, नाथाय एसिम्पटमेटिक केसफोरखौ फुरायै नायबिजिरजोबनो हानाया गोब्राब। मानोना गोबां सुबुंफोर दं जायफोरा इनफेक्सन जादों। नाथाय लोखोनफोर खौ मोन्दांथियाखै। खायसे 20 बोसोरनि गाहाय मोनफ्रोम जर् 'खाफोरनि बादिव्ला करना सा 10,000 बेरामिफोरनि इनफेक्सन जानाय सुबुंफोरा 0.5 मादाव सासे थैदों। फार्सेथि 85



बादिब्ला, जागाय जेन्नाय सानफोरनि रुजुनायाव बेरामनि एफा एनै लोखोन गोनां एबा लोखोन गैयै सुबुंफोरखौ सिनायथिनो थाखाय राहा लानाय टेस्टनि जाहोनआव बे दावखलायनायखौ नुनो मोन्दो। फ्रान्सआव संदानगिरिफरा हमदांदोंदि, मे दाननि जोबथाजों रुजुनायाव जुलाइ दाननि जोबथायाव हादतनि केसआव थैनाय हारआ 4.6 जौखोन्डोसिम दावखलायदों। बेनि जाहोनआ गोबां टेस्ट नायनाय, फाहामथाय होनाय जोथोन लानायाव सोदांनय आरो इनफेक्सन सन्देरनायखौ बांसिनै लाइमोन बैसोनि सुबुंफोरनाव मोन्नाय। लाइमोनफोरनाव गोब्राब बेरामनि जेनायाव जानो हाथावनाया खम जायो।r

चीनआ 1959 नि थांखि लानायखौ भारतनो गथायनो गोसो जादों

गोदान दिल्ली, 30 सेप्टेम्बर : थानाय 5 दाननिफ्रायनो चीनजों नांजाबनाय भारतीय सिमनानि थासारिया जेना गोनां जादों। चीननि जेना गोनां आखु दिन्थिनाय आरो सिमना फुवारनायनि जाहोनाव बेबादि थासारिया सोमजिखांदों। चीनआ बुंदों, भारतआ लाहाखनि सायाव आयेननि बेरेखायै दखल खालामदों। 1959 नि बिथांखिनि गेजेरजों भारत चीननि गेजेराव रोखा जानाय सिमनाखौ लाइट अफ एक्चुएल कन्ट्रल बुंनय जायो। बेनि अनगायै चीनआ बुंदों सा-सान्जा राइज्योजों नांजाबनाय चीननि सिमनाखौ रोखा खालामनो थाखाय गावसोर मेकमहन लाइनखौ मानिना लाया। मेकमहन लाइनखौ 1914 याव तिब्बत शिमलायाव रादाय खानायनि उनाव बाहायनाय जादोंमोन। बे लाइनआ तिब्बत आरो भारतनि सा-सान्जा राइज्योनि सिमनाखौबो रोखा खालामो। 24 अक्ट'बर 1959 याव गिबि खेब चीननि प्रिमियार एजलाइआ भारतीय गाहाय मन्थ्रि पन्डित जवाहरलाल नेहरुनो गांसे लाइजाम लिरदोंमोन।



बेवहाय बुंदोंमोनदि, चीननि सरकारआ भारतनि सा-सान्जा सिमनायाव थानाय मेकमहन लाइनखौ गनायना लाया। बेनि उनाव 7 नबेम्बर 1959 याव चीननि प्रिमियार एजलाइआ आरोबाव

गांसे लाइजामखौ पन्जित नेहरुनो लिरबावयो। बेवहाय बुंदोंदि, दरनैबो हादतफोरनि सांथ्रिफोरा आथिखालाव जेराव दं बेखौनो एलएसि मानिना लायो आरो दरनैबो हादतनि सांथ्रिफोरा बे जायगानिफ्राय 20-20 कि:मि: गोजानयाव थायो। नाथाय पन्डित नेहरुआ एजलाइनि बे थांखिखौ बोखारना होदोंमोन। पन्डित नेहरुआ बुंदोंमोनदि, चीननि सांथ्रिआ गिबियावनो भारतीय सिमनानि सिडव माखासे कि:मि: सिम हाबफेखोमाबाय। बेबादियाव भारतीय सांथ्रिखो बे जायगानिफ्राय जानगार खालामनो हाया। बे लाइजाम लिरनाया 2 बोसोर जानायनि उनाव चीनआ भारतनि सायाव गाग्लोबदों। 20 अक्ट'बर 1962 याव चीनआ लाइजाम आरो मेकमहन लाइनयाव गाग्लोबदों। 1 दान दावहा सोलिबाय थानायनि उनाव दरनै हादतनि सांथ्रिफोरा जेराव थावथानानै थादोंमोन। बेखौनो 1993 लाइन अफ एक्चुएल कन्ट्रल मुं होनाय जायो।r

मोन 56 बिधान सभा मासिफोरनि उफ्रा बिसायख 'थिखौ फोसावबाय

गोदान दिल्ली, 30 सेप्टेम्बर: बिसायख 'थि आयगआ मध्य प्रदेश, गुजरात, उरिष्या, नागालेण्ड, मनिपुरजों लोगोसे माखासे रइज्योफोरनि गासै मोन 56 बिधान सभा मासिफोरनि आरो मोनसे लकसभा मासिनि बिसायख 'थिनि अक्टखौ फोसावबाय। बे बिसायख 'थिआ 3 निफ्राय 7 नभेम्बरसिमाव जागोन आरो 10 नभेम्बरआव सानाय जागोन। अदेबानि बिसायख 'थि आयगआ थांखि लादोंदि, आसाम, केरेला, तामिलनाडु आरो सोनाब बंगनि गासै मोन 7 मासिफोरनि बिसायख 'थिखौ खुं'नाय नडा। बिहारनि लकसभानि मोनसे मासि बाल्मिकी नगरनि



बिसायख 'थिआ 7 नभेम्बरआव जागोन। बेजों लोगोसे मनिपुरनि मोन 4 बिधान सभा मासिफोरनि बिसायख 'थिआबो बे सानखालिनो जागोन। बयनिखुइबो बांसिन मध्य प्रदेशआव गासै मोन 28 बिधान सभा मासिनि उफ्रा बिसायख 'थि

जागोन। नैथियाव गुजरात, जेराव मोन 8, इउपिआव मोन 7, झारखण्ड, मनिपुर, नागालेण्ड, उरिष्या, कर्नाटकआव मोन 2-2, तेलेंगाना आरो छत्तिसगडआव मोन 1-1 मासिनि बिसायख 'थि जागोन। उफ्रा बिसायख 'थिनि

बिथोनमाखौ 9 अक्टबरआव फोसावनाय जागोन, बेरफासै बिहार आरो मनिपुरखौ 13 अक्टबरआव फोसावनाय जागोन। बिजाथिफोरनि मुं थिसन्नायनि जोबथा अक्टआ 16 अक्टबर। बे अक्टखौ बिहार आरो मनिपुरआव 20 अक्टबरसिम थि खालामनाय जादों। बिजाथिलाइफोरखौ 17 अक्टबरआव नायबिजिरनाय जागोन। बिहार आरो मनिपुरनिआ 21 अक्टबरआव जागोन। मुं थिसन्नाय बिजाथिफोरा मुंखौ बोखानानै लानोब्ला 19 अक्टबरसिमआव लानो हागोन। गासैबो रइज्योनि बिसायख 'थिनि फिथाइखौ 10 नभेम्बरआव जयै'नो फोसावगोन।

सिमलानि रिज मैदानआव बारग' गाहाय मन्थि अटल बिहारी बाजपेयीनि मुसुखा गायसनगोन

गोदान दिल्ली, 30 सेप्टेम्बर: हिमाचल प्रदेश केबिनेटआ बारग' गाहाय मन्थि अटल बिहारी बाजपेयीनि मुसुखा बानायनायनि हाबाफारिखौ स्टेच्यु अफ इउनिटिनि मुसुखा बानायगिरिनो गथायनो थांखि लादों। पद्मभुषण आरो पद्मश्री बान्था मोनो हानाय राम बन्जी सुतारआ बे मुसुखाखौ बानायगोन। बे मुसुखाखौ 30 अक्टबरसिमाव थियारि खालामनाय जागोन। अटल बिहारी बाजपेयीनि मुसुखाखौ सिमलानि रिज मैदानआव गायसन्नाय जागोन। बे मुसुखाखौ ब्रन्जजों बानायनाय जादों। ब्रन्जआव 85 जौखोन्दो तामा, टीन, जिंक आरो लेड गलायनाय थायो। बेबादिनि



जाहोनाव बे मुसुखाया रोजा बोसोरसिम जोरगोन। मुसुखा बानायनाय 10 स्टेप्स थागोन। गिबियाव हानि मुसुखा बानायनाय जागोन, बेनि उनाव प्लास्टारनि मलड लानाय जागोन, फाइबराखौ बाहायनाय जागोन, बेनि उनाव फिन मलडखौ लानानै बेनि ममनि मुसुखाखौ बानायनाय जागोन। मुसुखा बानायगिरि राम सुतारआ मुलुगनि बयनिखुइबो जौसिन सरदार बल्लभ भाइ पाटेलनि मुसुखानि डिजाइनखौ थियारि खालामदोंमोन आरो मुसुखाखौ बानायदोंमोन। बेनि अनगायै बियो राजखान्थि दैदेनगिरिफोरनि मोन 50 मुसुखा बानायनाय जागोन।

बोसोरसेयाव मा 800 मैदेरखौ फाहामथाय होनाय जायो : कनबर



गुवाहाटी, 30 सेप्टेम्बर : आसामनि थागिबि कुशल कनबर शर्माआ गावनि न'आवनो मैदेर बुन्दीखौ जोथोन लादों। बियो 10 बोसोरनिफ्रायनो मैदेरखौ जोथोन लादों। आथिखालाव कनबरआ 59 बोसोरनि जाबाय। कनबरखौ 'एलिफेन्ट डाक्टर'नि मुंडेबो मिबथिनाय जायो। शर्माआ बोसोरसेयाव भारत आरो गुबुन हादतनि गासै मा 800 मैदेरखौ फाहामथाय होयो। बियो पद्मश्री

बान्थाखौबो मोनो हादों। आथिखालाव बियो गुवाहाटीनि खानापारायाव भेटे रिनारि बिगियान आयदायाबो फोरोंगासिनो दं। बिथाड बुंदों, गावना मैदेरफोरजों गोथौ सोमोन्दो दं। गावनि फाहामथाय होनायाव हाग्राणि मा 200 मैदेरबो दंफादेरो। गाव गुबुन जिबखौ फाहामथाय होनायनि अनगायै मैदेरखौ फाहामथाय होनायाव बांसिन गोसोयाव रंजाखानाय मोनो हायो।

पर्टेबल किटजों आबादनि हाखौ नायबिजिरनो हासिगोन

गोदान दिल्ली, 30 सेप्टेम्बर: आबादारिफोरा खावसे घन्टायानो हा बाहागोखौ नायबिजिरनो हासिगोन। मिरु सरकारनि पेटेन्ट मावख'आ रायपुर आरो बिलासपुर बिगियानगिरिफोरनि गेजेरजों थियारि खालामनाय पर्टेबल किटखौ 20 बोसोरनि थाखाय पेटेन्ट खालामदों। इन्दिरा गान्धी एग्रिकल्सुआर इउनिभार्सिटी रायपुरनि आबाद बिगियानगिरिआ हा बाहागोखौ आन्जाद नायग्रा पर्टेबल किटखौ थियारि खालामदों। बे गोदान किटनि गेजेरजों आबादारिफोरा गावसोरनि आबादथिलिनि हाखौ आन्जाद नायनो हागोन। बेजों जैबिक कार्बन, हायाव गलायनानै थानाय नाइट्रोजेन, फसफरास, पेटिसियाम आरो पिइस मानदान्दाखौ संदानो हागोन। बे मेसिननि बेसेनआ 6 रोजा रं आरो आबादारिफोरा



बेखौ 20-25 जौखोन्दोनि साब्सिडीआव मोनो हागोन। किटखौ आबाद बिगियानगिरि डा: एसके पाटिल, डा: ललित श्रीबास्तब, डा: बिपिन मिश्रा आरो डा: आरअ दासआ बानायदों। डा: दासआ फोरमायदों इन्दिरा गान्धी एग्रिकल्सुआर इउनिभार्सिटी रायपुरनि गेजेरजों किटखौ फानाय जागोन। बे पर्टेबल

किटजों इयुनआव आबादनि बिथिडव माखासे मख'जाथाव सोलायनाय फेगोन। आबादारिफोर गावनि आथिडव गसंनो हागोन। आबादखौ सायख'नाय आरो दिहुन्थायनि सोमोन्दोआव थार थांखि लानो हागोन। मख'नो गोनांदि, मिरु सरकारनि बिथोन होनायाव हादरनाडै आबादारिफोरनो आबादनि हाखौ

नायबिजिरनायनि उनाव मूदा हेल्थ कार्डखौ होनाय जाबाय। हेल्थ कार्डआव माबे आबादथिलिआव हासराआ खम जादों, बेखौ फोरमायनाय थायो। राइज्योनि गासैबो जिल्ला मावख'आव आन्जाद नायनायनि मिरुखौबो गायसन्नाय जादों, जेराव आन्जादनि फिथाइ सौफेनाया 4-5 सान नांगोन।

तामिलनाडुआव लकडाउनखौ फिन गनायथि होनाये जाबाय

गोदान दिल्ली, 30 सेप्टेम्बर : मिरु सरकारआ आनलक-5 खौ बिथोन होनो थाखाय थियारि खालामबाय। तामिलनाडुनि सरकारआ राइज्योआव करना भाइरास लकडाउनखौ 31 अक्टबरसिमनि थाखाय बांहोदों। लकडाउनयाव माखासे रेहायबो होनाय जादों। बे समाव तामिलनाडुयाव स्कुलआ बन्द थागोन। करना भाइरासनि जाहोनाव 31 अक्ट'बरसिम गासिबो सोलोंथाय फसंथानया बन्द थागोन। बेजों लोगोसेनो डमेस्टिक फ्लाइटआबो चेन्नाइयाव सानसेयाव गं 100 याल' बागलाय फेनो हागोन। सावथुनि थाखाय माखासे होबथानाय थागोन। सुटिनि समाव सा 100 निफ्राय बांसिन सुबुफोरा थुबुर जानो मोन्नाय नडा। गिबि मन्थिया कालेक्टरनि सिगाडव बुंदों, सरकारि आरो गावयारि देहा फाहामसालियाव कभिड बेरामिफोरनि फाहामथायनि थाखाय प्रटकलखौ फालिनो गोखौ बिथोन हो। बिथाड बुंदों, सुबुफोरा मोदोम दुंखावनाय, हां लानो हायै जानाय, मनाय मोन्नाय आरो स्वादिनि खमी जानाय बादि लोखोन जादोंब्ला 24 घन्टानि गेजेरावनो देहा फाहामसालियाव थानानै फाहामथाय लानंगोन। गागि नेगोरारिफोर आरो गुबुन गुबुन बेरामजों भुगिनांनय सुबुफोरनि नमुनाखौ सिगांगो आन्जाद नायग्रोनांगो। कभिड-19 खौ होबथानायनि राहाखौ गोखोडे फालिनायनि जाहोनावनो तामिलनाडुयाव रिक्भारि रेट 9050 जौखोन्दोनिफ्राय बांसिन जाबाय आरो थैनायनि बिबाड 1.60 जौखोन्दोनिफ्राय खमसिन जादों। मख'नो गोनांदि, थानाय समबाराव कभिड-19 नि 5,589 गोदान केसखौ मोन्नाय जादों। जायनि उनाव बे बेरामिनि अन्जमाया सा 5,86,397 जाहैबाय।

100 साननि गेजेराव गंफ्रोम फरायसालि आरो आंगनबाडी मिरुआव दै जगायथाय होसिगोन



गोदान दिल्ली, 30 सेप्टेम्बर : जन जीवन मिसननि गेजेरजों गंफ्रोम गामिनि नख 'रफ्रोमनोबो नालाजों दै जगायनानै होनायनि थांखिया फेगौ 2024 सिमाव आबुं जानांगौ। नाथाय बेनि सिगां फेगौ 100 साननि गेजेरावनो हादतनि गंफ्रोम फरायसालि आरो आंगनबाडी मिरुआव नाजदों दै जगायनानै होनाय जागोन। बे बाध्राखौ गाहाय मन्थि नरेन्द्र मदिआ थानाय मंगलबारखालि जानाय जल जीवन मिसननि मोनसे

हाबाफारियाव फोसावयो। बेनि गेजेरजों फरायसालि आरो आंगनबाडी मिरुफोराव दैनिकाने कसन लागायनायाव राइज्योफोरनि गाहाय बिफाव थागोन। बेनि थाखाय बिथाड राइज्यो सरकारफोरखौ बे बिबानखौ गावबा गावनि सायाव लानो थाखाय बिथोन होबाय। मानोना बे अभियाननि जगायनायखौ गान्धी जयन्ती 2 अक्टबरनिफ्राय जागायगोन। जल जीवन मिसननि बे जर'खा हादत नाडैनि हाबाफारिखौ स्वच्छ भारत मिसननि महैर सालायनाय जागोन। बेयाव मिरु आरो राइज्यो सरकारफोरजों लोगोसे गामि पन्सायतफोरनिबो मदत लानाय जागोन। बेनि सोमोन्दै गाहाय मन्थिआ बुडोदि, फरायसालिनि गथ 'फोरनि देहाखौ नोजोर होनानै बे अभियानखौ अरायथा महैर आवगाय लांहोनाय जागोन। बेबायदि स्वच्छता अभियाननि समावबो बेबायदि मोनसे जर'खा अभियान सालायनानै गासै हादतनाडै थानाय फरायसालिफोराव खिखरसालि बानायनाय जादोंमोन। बेनि

जाहोनाव खिखरसालिनि ओन्सोलाव फरायसालि फरायनायखौ नागारग्रा गथ 'फोरनि मुंथिसन्नायाबो बारायो। बेनि गेजेरजों पिपमआ बुंवावदों, दिनें रांखौ दैयाव बोहैहोया जासे दैनिक सायाव जाबसिनानै होनाय जादों। जौनि बेयाव दैनिक बायदि मख'जाथाव आयदाखौ माखासे बिफानफोर आरो मावख'फोरनि गेजेराव रान्नाय जादोंमोन। बे बिफानफोरनि गेजेराव जेबो सोमोन्दो गैयैमोन आरो समान थांखिनि थाखाय खामानि मावनायनि जेबो रोखा बिथोन गैयामोन। दैजों सोमोन्दो गोनां थांखिखौ लोगोसे आथिखालाव बे बिफानफोरा हादतनि नख 'रफ्रोमबो दै सौहैहोनायनि मिशनाव नांथाबानां दडा। बेनि गेजेरजों आथिखालाव जल जीवन मिसननि गेजेरजों सानफ्रोमबो गासै 1 लाख नख 'रफोरखौ गोमो लोंग्रा दैनिक सुबिधाजों सरजाबगासिनो दडा। अदेबानि बे हाबाफारिनि गेजेरजों बोसोरसैनि गेजेरावनो हादतनि 2 कौटि नख 'फोरनिनिमिम दैनिकाने कसन होखानाय जाबाय।

लेडाइ हादतगिरि भैंकेया नायडुनाव करना पजिटिभ मोन्नाय जादों



गोदान दिल्ली, 30 सेप्टेम्बर : लेडाइ हादतगिरि एम भैंकेया नायडुनाव करना इनफेक्सन जादों, बियो बावयैसो समाव राइज्यो सभायाव लोगोम बोथोरनि जथुमायाव सदनखौ सामलायदोंमोन। लेडाइ हादतगिरिनि सेक्रेटारियेटआ मोनसे टुइटाव बुंदों। जेब्ला भैंकेया नायडुखौ रुटिन टेस्ट नायनाय जादों अब्ला बिखौ करना पजिटिभ मोन्नाय जादों। नाथाय बे भाइरासआ जेबो लोखोन गैया। बियो न'याव क्वारेन्टाइन थादों। बिनि बिसि उषा नायडुखौ नेगेटिभ मोन्नाय जादों। बिबो न'आवनो आइसलेसनयाव थादों। करना भाइरासनि 70,589 गोदान केस

मोन्नायजों लोगोसे हादतयाव कभिड-19 नि केसआ 61 लाख जाहैबाय। भारतआव थानाय 24 घन्टायारव करना भाइरासनि 80,472 गोदान केस मोन्नाय आरो सा 1,179 सुबुफोरा थैनायखौ रेकर्ड खालामनाय जादों। देहा मावख'नि डेटानि बादिब्ला, हादतयाव बे बेरामिनि गाहामाव फेनाया 83.33 जौखोन्दो जाबाय आरो थैनायनि हारया 1.57 जौखोन्दोयाव सौफेबाय। महाराष्ट्रयाव करना भाइरासआ बांसिन गोहोम गोमलेंदों। बेवहाय दासिमाव 13,66,129 केसखौ थिसन्नाय जादों जेराव सा 36,181 सुबुफोरनि थैबाय।

हाथरस गंगरेप केसनि सायाव गोखौ राहा लानो यगीखौ मदिनि बिथोन

लक्षनौ, 30 सेप्टेम्बर : हाथरस गंगरेप कान्डनि सायाव गाहाय मन्थि नरेन्द्र मदिआ गिबि मन्थि यगी आदित्यनाथजों सावरायदों। गिबि मन्थि यगी आदित्यनाथआ गावनो बेनि सोमोन्दै खौरां होदों। यगी आदित्यनाथआ टुइटा खालामनानै खौरां होनाय बायदिब्ला, पिपम नरेन्द्र मदिआ हाथरसनि जाथायनि सायाव सावरायनानै दायनिगिरिनि हेंथायै गोखोडे नायबिजिरनांगौ होनानै बुंदों। अदेबानि बे जाथाइखौ नायबिजिरनो थाखाय इउपि सरकारआ एसआइटी दाबाय। बेनि सोमोन्दै सिपम यगी आदित्यनाथआ बुंवावदों, हाथरसआव आइजोखौ गोब्राबै जिनाहारि खालामनाय जाथाइनि दायनिगिरिआ बारग'नाय नडा। बे नायबिजिरनायखौ जागायजेन्ने थाखाय जर'खा नायबिजिरग्रा दोलो दानाय जाबाय। बे दोलोआ फेगौ 7 साननि गंगरेप गावसोरनि रिपटखौ होगोन। बे जाथाइनि केसआ फास्ट ट्रेक कर्टआव सोलिगोन। मख'नो गोनांदि, उत्तर प्रदेशनि हाथरसआ थानाय 14 सेप्टेम्बरआ औरैबायदि जाथाय जायो, जाय गासै हादतखौनो सोमावग्लुंयो। सुलुखव फोरमायनाय बायदिब्ला, 19 बोसोर बेसोनि आइजोफोरखौ दायनिगिरिफोरा सिगाडव गंगरेप खालामनानै उनाव बिनि सालायखौ हास'यो, जाहाथे बियो रावनिबो सिगाडव जेबो बुंनो हाया। बेल' नडा बेजों लोगोसे दायनिगिरिफोरा बिखौ बुंनानै सिन्निनि बेगेंखौबो सिफायो। जाथायनि उनाव भुगिनांनय आइजोखौ देहा फाहामसालियाव थिसननाय जादोंमोन। नाथाय 15 साननि उनाव भुगिनांनय थानाय 29 सेप्टेम्बरआव सफदरजंग देहा फाहामसालियाव जिउ नागारो।

फ्रेन्स अपेननि नैथि राउन्डआव केरलिना प्लिस्कभा

नभाक जकभिचआ गिबि गेलेनाय मेचखौ गोर्लेयैनो देरहादों

पेरिस, 30 सेप्टेम्बर: गिबिथाव कभिड-19 नि गेजेरावबो दासान्दि सोलिबाय थानाय बोसोरनि गुबुन मोनसे ग्रैन्डस्लेम फ्रेन्स अपेननि मेचफोर गेलेनाया मुलुगनि गुबुन गेलेगिरिफोरनि गेजेराव फारियै सोलिबाय थानाय नुनो मोन्दों। बेनि गेजेराव गोर्लेयैनो गेलेनो हानाय आरो लोरबां गेलेनाय गेलेगिरिफोरनि देरहानाय-जेन्नानायखौबो नुनो मोन्दों। मैया फ्रेन्स अपेननि गिबि राउन्डनि मेचखौ गेलेनाया गेलेगिरि केरलिना प्लिस्कभाया गोर्लेयैनो गेलेनाय देरहानो हानायजों नैथि राउन्डआव सौहैदों। बे गेलेनाय मेचआव केरलिनाया इजिफानि



गेलेगिरि मायुर सिरिफखौ गासै 6-7(9), 6-2, 6-4 सेट पइन्टनि फारागथियाव गोब्राबजों फेजेनो हानानै नैथि राउन्डआव सौहैदों। मेचनि गिबि सेटखौ जेन्ना गोना जानायनि उनाव चेक गणराज्यनि गेलेगिरि केरलिनाया

उननि मोननै सेटखौ फारियै देरहानो हानानै आवगायनो हायो। बेजों लोगोसे 2017 नि फ्रेन्स अपेनखौ देरहानो हानाय गेलेगिरि जेलेनानि हेंथायै केरलिनाया गेलेनो थाखाय थियारि जादों।

गुबुन फार्सेथि फ्रेन्स अपेननि हौवाफोरनि गेलेनायाव मुलुगनां रेंकिनि सेथि गेलेगिरि नभाक जकभिचआ गोर्लेयैनो गेलेनाय मेचखौ 6-0, 6-2, 6-3 सेट पइन्टआव गेलेगिरि मिकाइल यामेरनि हेंथायै देरहानो हायो। मख'नो गोनादि, थानाय इउएस अपेनआव क्वार्टर फाइनालसिम गेलेबाय थानाय समावनो सासे आइजो बिबानगिरिखौ बल फोनांनानै ओंखारनांनयजों टुर्नामेन्टनि टूफ्रीखौ देरहानायव फेलें जानाय नभाक जकभिचआ बे खेबनि फ्रेन्स अपेन ग्रैन्ड स्लेमखौ जैरैखि जाया देरहानो थांखि लादों।

टकिय अलिम्पिक गेम्सआव भारतनि आइजो हकी हान्जाया ब्रैथि सारिआव थानो हागौ: दिपिका



गोदान दिल्ली, 30 सेप्टेम्बर: भारतनि आइजो हकी हान्जानि बारग' गेलेगिरि दिपिका ठाकुरआ मिर्जिथिनाय बादिब्ला, रानि रामपालनि केपेन महरै हान्जा दैदेन्नायाव भारतनि आइजो हकी हान्जाया फैगौ बोसोरनि जुलाइ दानआव खुंजानो गोनां टकिय अलिम्पिक

गेम्सआव 4 थि सारिआव थानो हागौ। बारग' गेलेगिरिआ मिर्जिथिनाय बादिब्ला, भारतनि आइजो हकी हान्जानि थाखाय बे खेबनि अलिम्पिक गेम्सआव गोर्लेयै सारिआव थानो हानायनि मोर्जां खाबु दड। थानाय बावैसो साननि गेजेराव अर्जुन बान्थाखौ आजावनो हानाय दिपिका

ठाकुरआ बुंबावोदि, जेब्ला मुलुगनां हकी बादायलायनाया जागायजेनफिनगोन अब्ला भारतनि आइजो हान्जाया गेलेनायखौ गोर्लेयै खालामना गोर्लेयैखौ लाबोफिनांगोन। थानाय बोसोराव फारियै गेलेबोनाय मेचफोरखौ देरहानो हानानै अलिम्पिक गेम्सनि थाखाय क्वालिफाइड जानो हानाय भारतनि आइजो हकी हान्जाया दासान्दि प्रेक्टिस खालामनायखौ साइ सेन्टरआव सोलिहोगासिनो दड। थानाय बोसोराव गुबुन गुबुन हान्जानि हेंथायै मेच देरहानो हानायखौ रायखानानै दिपिका ठाकुरआ बुडोदि, भारतनि आइजो हान्जानि गेलेनाया सिगानिखुइ गोर्बां सोलायनाय फैबाय। बेनिखायनो आइजो हान्जानि सायाव मोर्जां गेलेगोनखौ फैगौ

अलिम्पिक गेम्सआव मिर्जिथिजायो होन्नानै बुडो। अलिम्पिक गेम्सनि थाखाय हान्जाया मोनसेल' थांखि थानां गौदि, जेराव बे बादायलायनायाव जैरैखि-जाया मेडेल देरहानायनि फार्से गोसो होनांगोन होन्नानै बुंबावो। बारग' गेलेगिरिआ थानाय 2016 नि रिय अलिम्पिक गेम्सआव भारतनि आइजो हकी हान्जाजों गेलेबोनो खाबु मोन्दोंमोन। नाथाय बै समनि बादायलायनायाव हान्जाया गेलेनायनि फार्से गोर्बां जेनाजों मोगा-मोगि जानांदोंमोन होन्नानै गेलेगिरिआ बुडो। आथिखालनि आइजो हान्जायाव गेलेबाय थानाय साफ्रामबो गेलेगिरिफोरखौ फैगौ अलिम्पिक गेम्सआव गोर्लेयै गेलेनो नाजानांगौ होन्नानै फोसावो।

फिफाया पेरावे फुटबल क्लाब अलिम्पियानि आफादगिरि मार्कखौ होबथादों

जुरिक, 30 सेप्टेम्बर: मुलुगनां फुटबल आफाद फिफाया पेरावेनि क्लाब अलिम्पियानि आफादगिरि मार्क टूभाट'खौ साजा फोसावनाय बादियै जिउनि जोबथा समसिम होबथानाय जाबाय। फिफानि बिबानगिरि सुलुडा मिबथिहोनाय बादिब्ला, मेच फिक्सिजों लोब्बा थानायनि रोखा फोरमान मोन्नायाव अलिम्पिया क्लाबनि आफादगिरि मार्कखौ गासै 100,000 सुइस फ्रेंक धोन जुरिमानाबो फोनांनय जादों। फिफाया दिने बेनि सायाव बे गोनांथार बाथाखौ मिबथिहोनायजों लोगोसे संदानग्रा कमिटिआ 41 बोसोर



बैसोनि बारग' फुटबलार आरो क्लाबनि आफादगिरिनि सायाव संदानायनि गेजेरजों गाहाय दायनिगिरिनि फोरमानखौ मोन्नो हायो। फिफाया बुडोदि, थानाय

2018 निफ्राय 2019 सिमनि गेजेराव मेच गेलेनाय समाव गेलेनायनि नेमखान्थिखौ सिफायनानै मार्क आ मेच फिक्सिजों लोब्बा दडमोन।

मार्कनि सायाव थानाय माखासे बोसोरनिफ्रायनो फिफाया दाफुनाय संदानग्रा कमिटिआ गुवारै बिजिरबोनाय आरो संदानाय जादोंमोन। बे गोलवाव बोसोरनि संदानायवनो फिफाया मार्क टूभाटनि सायाव मेच फिक्सिनि लोब्बा थानाय फोरमानखौ मोन्नो हायो। मख'नो गोनादि, मार्कआ थानाय 2014 सिम एसनसियन क्लाबनि आफादगिरि मासिखौबो सामलायदोंमोन। फिफाया होबथानाय आरो साजानि हेंथायै गावनि सायाव जाबसिन्नाय दायखौ बोखानो थाखाय दासान्दि मार्कनि आखाइयाव 10 सानल' सम दं।

टकिय अलिम्पिक गेम्सनि टर्स रेलीआ 2021 नि 25 मार्चनिफ्राय जागायजेनगोन

लुचाने, 30 सेप्टेम्बर: बोसोरसनि थाखाय दोन्थ'जानाय टकिय अलिम्पिक गेम्सखौ फैगौ बोसोराव खुंनो थाखाय बे समाव खुंफु' आफादजों लोगोसे मुलुगनां अलिम्पिक आफादआ जुथायै गोनांथार नोजोर लाखिनायजों दासान्दि बेनि साखा-फारा जानाया सोलिगासिनो दड। मिबथिनाय बादिब्ला, कभिड-19 महामारिनि गोहोम गोलैनायनि जाहोनआव टकिय अलिम्पिक गेम्सखौ फैगौ

बोसोरनि 23 जुलाइनिफ्राय 8 आगस्टसिम खुंनो थांखिजों आरो बेनि सिगांनो नेमखान्थि बादियै टर्स रेली खालामगोननि हाबाफारिखौ फोसावनानै होबाय। मुलुगनां अलिम्पिक आफादनि सुलुडा मिबथिहोनाय बादिब्ला फैगौ 2021 नि 25 मार्चनिफ्राय टकिय अलिम्पिक गेम्सनि टर्स रेलीआ जागायजेनगोन। गासै 121 साननि हाबाफारिजों जापाननि मोन 47 ओन्सोलाव गिदिंखन्नाया सोलिबाय



थगोन। अलिम्पिक आफादआ बुडोदि, सोलिफु बोसोरनि थानाय 24 जुलाइनिफ्राय 9 आगस्टसिम जापाननि राजथावनि टकियआव खुंजानो

गोनांमोन। नाथाय कभिड-19 नि गात्रियै गोहोम गोलैनायनि जाहोनआव आरो गेलेनाया जाथावना नडैजों बोसोरसनि थाखाय बे गेम्सखौ दोन्थ'नायनि

रंजालि गथ' फोरनि सौरा

फोथायनो गोब्राब

नॉनि गुमुर आं मिथिया आंनि गुमुर नों मिथिया हाया-हाया फोथायनो हाया नॉनि-आंनि गुमुर मुश्रीखौ। रुगुं गैयै बुहुमनि फैसालियाव आन्दायबाय आं दिड जावलांनो नेनानै दंमोन आं, नों रजेखौनो नाथाय, हाया रजे, नोंखौ फोथायनो गोब्राब। सान्नाय आंनि सिमांफोर जानांदों दै बानानि फेंफोना, जानांगौ आंनि बे सिमां मिजिंफोर ओंथि गैयै गाब गैयै। थेवबोदि नॉनि रैसुमै रावफोर खामग्लि होयो आंनि गोर्बो बिखा। थारैनो नों हास्थायसुलि, फोथायखेबस' माबोरै मोन्दांगोन आं नॉनि गोर्बोनि सान्नि इयुन बिदिन्थायाव..... ?

-सुदेम मोसाहारि

जों गिया

जों गिया जों गिया थैनायखौ जौंलाय गिया थागिबि मोन्नांगौ मोनथाय दावगागोन मोनथायखौ लाना। दावगा जोहोलाव जोहोलावजो सुथुरनि हेंथायै गंस्थानो गावनि बैसोमुथिखौ उदां खालामनो। जों रावखौबो गिया-गिया माब्लाबाबो दाफासय दावहारु हान्जा होसो-सोहो जौंनि सुथुरखौ बिखा फोरदाना जान्जि खाफ्राना गिख गोसो जौंनि नड। नागिरगोन नाजागोन सयथिबो जौंनि जुजिनयआ देरहासारखा। नोजोरा जेब्लाबो सिगाडव ना सुथुरखौ फेजेनगोन गावखौ फसंगोन अराय होगोन उदां फिरफिला जेन्नाय फासयनाय जौंनि नड थैनायखौ जौंलाइ गिदिं साना।।

लक्ष्मन नाजारी

नॉनि सान्नि: आंनि मोन्दाथि

खोनासं र'जे, नों आंखौ मुगोदोंबोला जेसे हागौ एसे मुगौ बियो जाथों-कालिदास-भिध्दियाट'मा। नों आंखौ रागा जौंदोंबोला जेसे हागौ एसे रागा जों बियो जाथों-इक्रेटिच-जेन्टिपि। नों आंखौ सुथुर सान्दोंबोला जेसे हागौ एसे सान बियो जाथों-राम-राबन। नों आंखौ फान्दायदोंबोला जेसे हागौ एसे फान्दाय बियो जाथों-इरगदाव-इन्दुप्रभा। नों आंखौ फोथायखेबस' सान्दोंबोला जेसे हागौ एसे सान बियो जाथों-रमिअ-जुलियेट। नों आंखौ सन्चल सान्दोंबोला जेसे हागौ एसे सान बियो जाथों-पेट्रल-डिजेल। आरोबाव र'जे, नॉनि गासै सान्निफोरा आंनि थाखाय जाथों- दै, अर, बार, सान, अखाफोर बोहैथि दैमा, हाथखि-हाला.....

मिथिसार ब्रह्म

आं मा खालामबावनो

आं नों अनजालिखौनो मोर्जां मोनोमोन आं मा खालामबावनो नों अनजालिआ एसेबो खेरखोराया नॉनिफ्राय, अननाय दोंसेबो मोनैआव। आं दा जिउआव हासिंडे गोदाव-सोराव आं नों अनजालिखौनो बोसोर थाम जाबाय मोर्जां मोन्नाया नाथाय नॉनि अननाय! आंहा मानोबा उरां-फारां जालाबाय थायो आंनि जिउआ बेसेन गैयै जाबाय सानदोंमोन अराय समनि थाखाय, बे समायना संसाराव सुख सानथि! नाथाय माथो नोंखौ मोर्जां मोन्नाय आं दिनें आनदाय नांबाय!!

टंकुराम बसुमतारि बासबारी जिला- कक्राझार, बि टि सि आसाम।

बिहार बिधान सभा बिसायख'थि 2020 आव बिजेपिनि सा 30 एमएलएनि टिकेट दान्नो आर'ज

पाटना, 30 सेप्टेम्बर: बिजेपिनि मन्डल आफादगिरिफोरा रइज्योनि सा 30 एमएलएफोरनि टिकेटखौ दान्नो आर'ज गाबनानै पार्टिनि दैदेनगिरिफोरनि सिगाडाव मोनसे गोदान बादायनाय लाबोबाय। बेनि गेजेरजों मन्डलनि आफादगिरिफोरा बुडोदि, बे सा 30 एमएलएफोरखौ जुदि बिजाथि बानायफिनबावोब्ला बिसोरनि देरहानाया गोब्राब जागोन। बेजों

लोगोसे पार्टिनि मन्डल आफादआ बिसोरनोबो टिकेट होयैनि बोसोन होयो, जायफोर थानाय बिसायख'थिआव 25 निफ्राय 30 रोजानिखुइ बांसिन भटजों बिसायख'थियाव जेन्दोंमोन। अदेबानि एनडिएआव आथिखालाव मासिफोरनि अन्जिमाखौ फोसावाखै, नाथाय सिं सिं बिजाथिफोरखौ थि खालामनाया सोलिगासिनो दड। जर'खायै बैबादि मासिफोर जेराव

एनडिएनि गेजेराव जेबो दावराव-दावसि जायाखै, बै मासिफोराव बिजेपिआवबो बांसिन दैदेनगिरिफोरखौ ओन्सोलाव थानानै खामानि मावनाय जादों। बे बिथिडाव बावैसो समाव पाठिआ मन्डल आफादगिरिफोरनिफ्राय बिजाथिफोरनि सायाव सुबुरुन बिदों। बेनिफ्राय गासै मन्डल आफादगिरिफोरा बिजाथि

भट होग्राफोरा दोलोखौ फोथायो। नाथाय बिजाथिफोरखौ लानानै सुबुंफोर रागा जौंदों आरो बे रागा जौनाया बिसायख'थियाव गोहोम खोखैनो हागौ। बेनिखायनो बेयो गोनांथारदि, बिजाथिफोरखौ सोलायनानै गोदान बिजाथिफोरनो खाबु होनांगौ। बेराफार्से दोलोआ गनायोदि, बांसिन भटजों जेन्नाय बिजाथिफोरा बिसायख'थियाव देरहाफिनो हागौ। थानाय 2015 नि बिसायख'थियाव पिपरानि विस्वमहन कुमारआ 36,369 भटजों बिसायख'थियाव जेन्दोंमोन। बेबादिनो सुपालेनिफ्राय किशर कुमारआ 37,397, अमौरनिफ्राय सबा जफरआ 51,997, बिहारीगन्जनिफ्राय रबिन्द्र चरण यादवआ 29,253, मधेपुरनिफ्राय बिजय कुमार विमलआ 37,642, सहस्सनिक्राय आलक रज्जनआ 39,206, गरखानिक्राय ग्यानचन्द्र मान्डीआ 39,883, सनपुरनिफ्राय बिनय कुमार सिंआ 36,396 भटजों जेन्दोंमोन।

थांखि लायो। आइअसिआ बुडोदि, जापाननि गुबुन गुबुन ओन्सोलखौ गिदिंखन्नायनि गेजेराव 9 जुलाइखालि टकियनि अलिम्पिक स्टेडियमआव टर्स रेलीआ सौहैगोन आरो 23 जुलाइखालि गेम्सनि बेखेवनाय हाबाफारिआ खुंजागोन। आइअसिआ लोगोसे यै मिबथिहोबावनाय बादिब्ला, टकिय अलिम्पिक गेम्स आरो पेरालम्पिक गेम्सनि टर्स रेलीनि खुंगोन हाबाफारिआ जेबो सोलाय-सोल' जायाखै। गुबुन

फार्सेथि अलिम्पिक खुंफुं आफादआ मिबथिहोनाय बादिब्ला, फैगौ बोसोरनि 25 मार्चनिफ्राय जागायजेनो गोनां गासै 121 साननि हाबाफारिआव खमैबो 10 रोजा सुबुंफोरा बाहागो लागोन। दासिम बे गेम्सखौ गाहामै खुंफुंनो थाखाय गेलेथिलि, गेलेगिरिफोरनि थानाय जायगा आरो गुबुन बिथिडावबो लुफुंनय खामानिआ आबुडै जाजोबबाय होन्नानै फोरमायदों।

एनडिएनि गेजेराव जेबो दावराव-दावसि जायाखै, बै मासिफोराव बिजेपिआवबो बांसिन दैदेनगिरिफोरखौ ओन्सोलाव थानानै खामानि मावनाय जादों। बे बिथिडाव बावैसो समाव पाठिआ मन्डल आफादगिरिफोरनिफ्राय बिजाथिफोरनि सायाव सुबुरुन बिदों। बेनिफ्राय गासै मन्डल आफादगिरिफोरा बिजाथि

भट होग्राफोरा दोलोखौ फोथायो। नाथाय बिजाथिफोरखौ लानानै सुबुंफोर रागा जौंदों आरो बे रागा जौनाया बिसायख'थियाव गोहोम खोखैनो हागौ। बेनिखायनो बेयो गोनांथारदि, बिजाथिफोरखौ सोलायनानै गोदान बिजाथिफोरनो खाबु होनांगौ। बेराफार्से दोलोआ गनायोदि, बांसिन भटजों जेन्नाय बिजाथिफोरा बिसायख'थियाव देरहाफिनो हागौ। थानाय 2015 नि बिसायख'थियाव पिपरानि विस्वमहन कुमारआ 36,369 भटजों बिसायख'थियाव जेन्दोंमोन। बेबादिनो सुपालेनिफ्राय किशर कुमारआ 37,397, अमौरनिफ्राय सबा जफरआ 51,997, बिहारीगन्जनिफ्राय रबिन्द्र चरण यादवआ 29,253, मधेपुरनिफ्राय बिजय कुमार विमलआ 37,642, सहस्सनिक्राय आलक रज्जनआ 39,206, गरखानिक्राय ग्यानचन्द्र मान्डीआ 39,883, सनपुरनिफ्राय बिनय कुमार सिंआ 36,396 भटजों जेन्दोंमोन।

मेट्रिक आन्जादआव उश्रिसार जानो हानाय गुणगोनां

फरायसाफोरनो आनन्दराम बरुवा बान्थाखौं गथायबाय

(□ *१ बिलाइनिफ़्राय*) फरायसुला-फरायसुलिफोरनो २०२० बोसोरनि आनन्दराम बरुवा बान्थाखौं रानानै हायो । बे बान्थाखौं मोनोनो हानाय गासै १६,९४४ फरायसाफोरा लेपटप बायनानै लानायनि थाखाय बिसोरनि एकाउन्टआव २० रोजा रं थोंजोडै थिसन्थायनि गेजेरजों हानाय जादों । दिनैनि बे मेहेर गोनं हाबाफारिआव गिबि मन्श्रि सर्बानन्द सनवालआ बेखेवना हानाय लोगो-लोगो फरायसुला-फरायसुलिफोरनि एकाउन्टआव बान्थानि रांखौं सोहरनायजों लोगोसे सा ५ फरायसुला-फरायसुलिफोरनो बान्थानि चेक आरो फोरमान बिलाइखौं गथायनानै हायो । बेनि थाखाय राइज्यो सरकार गासै ३४ कौंटि रांखौं बाहायनाय जादों । बे हाबाफारिआवनो गाहाय आलासि महैर बाहागो लानानै गिबि मन्श्रि सर्बानन्द सनवालआ बुडोदि, महापुरुष श्रीमन्त शंकरदेबनि गोथार गोसोखांथिजों लुंफुनाय श्रीमन्त शंकरदेब कलाक्षेत्र बायदि गोथार जायगायाव आसामनि सासे गेदेमा सुबुं आनन्दराम बरुवानि मुडाव होनाय बे बान्थाखौं आजावनो हानाय फरायसुला-फरायसुलिफोरा इयुनाव राइज्योनि गेदेमा सुबुंनि आदर्शजों गावखौंनो गोखों महराव फसंथानानै नखर, समाज, राइज्यो आरो हादतनि मुंखौं जौंगासार होनायनि थाखाय गावसोरखौंनो मार्गबिबानआव फसंथानांगोन । बिसोर गुन गोनां फरायसाफोरा जों बिमा हाखौं मुलुगनि बिखायाव गोखों महराव फसंथानोन थाखाय गाव-गावनि गोहो-बोलोखौं बाहायनानै जाफुंसारहोनांगोन । रुपकर प्रसाद आगरवालानि मुलुग देरहानाय आरो बिनि जिउ जारिमिनखौं रायखानानै गिबि मन्श्रि सनवालआ बुडोदि, मुलुग देरहानायनि फारसे गोहोआ जौंनि फरायसुला-फरायसुलिफोरनाव दं । असमीया हरिखौं मुलुगनि बिखायाव फसंथानो हानाय गेदेमा सुबुं आनन्दराम बरुवाआ दिन्थिनानै गालानाय आदर्शजों जौंनि फरायसुला-फरायसुलिफोरा सिगां फारसे आवगायलानांगोन होन्नानै बुडे । गोसो होयोब्ला मार्गफुंनो हायैनि जेबो गैया होन्नाय बाश्रखौं रायखानानै गिबि मन्श्रिआ फरायसाफोरनि इयुनआव मुलुगनि जेरावबो खामानि मावा मानो जौंनि आसाम राइज्योखौं दरसे गोखों राइज्यो महैर खालामनायाव बिबान लानांगोन होन्ना बुडे । गावनि बिबुंथियावनो गिबि मन्श्रि सनवालआ गाहाय मन्श्रि नरेन्द्र मदिनि एक्ट इ्ट पलिसि दाफुंनारयनि जाहोनाव आसियान आरो बि बि एन हादरफोरनि गासै ८० कौंटि सुबुंफोरजों बेफार-फालांगि, हारिमु सोलाय-सोल फोनांजाव राहायाव जैरे लामाया गेवलांदों मोनफ्रोमबो बिथिडाव गोखों दिन्थिनानै सुबुं सम्पद सोरजिनानै गाव-गावनि जाफुंसारनायखौं दिन्थिलांनगौं होन्ना फोसावो । जौंगासां सुबुं सम्पदनि दिहुन्थाया बारायबाय थानायखौं रायखानानै फरायसुला-फरायसुलिफोरखौं गाव-गावनि फोरोंगुरुनि बोसोअजों नाजानानै गावनि खामानिआव नांथाबना इयुनाव जाफुंसारनायनि गेबं लामाखो सायख 'ना लानो थाखायबो गिबि मन्श्रिआ फोसावो । बेनि थाखाय आनन्दराम बरुवा बायदि गेदेमा सुबुंनि आदर्शजों जों समाजखौं गोखों खालामनो सिगां फारसे आवगायलांगोन होन्नानैबो बुडे । गिबि मन्श्रि सनवालआ फरायसुला-फरायसुलिफोरखौं जायरिख-जेरिख खामानि मावा मानो अरायसम सैथो, गोग्गो आरो सुबुंथिखौं गोजैरि लाखिनांगौं होन्नानै फोसावो । गावनि बिबुंथिआव गिबि मन्श्रिआ सोलोंथाय मन्श्रि महैर बिबान लनाय डू- हिमन्त बिश्व शर्माआ सोलोंथाय बिफानआव माखासे सोलायनाय लाबोनो हानायनि थाखाय मन्श्रिखौं साबायखर हायो । गियानआनो गोहो होन्नानै रायखाना गिबि मन्श्रिआ थानाय मेट्रिक आन्जादआव गुन गोनाडै उश्रिसार जानो हानाय फरायसुला-फरायसुलिफोरखौं फारियै मोजां सोलोंथाय लालानो फोसावबावो । फरायसाफोरनि बे जाफुंसारनायाव राइज्योनि सुबुंफोरा दिने गोग्गानाय लादों । समाजनि सुबुंफोरा मिजिंजों लामा नायगासिनो दड'दि, बिसोर फरायसुला-फरायसुलिफोरा मुलुगनि बिखायाव आसामखौं फसंथानायव जाफुंसार जानो हागोन । आसामनि बिखायाव थानाय सम्पद आरो जाथावनानि सायाव थुलुंगांखां होनायनि थॉंखिजों दिहुननांगोन । बे थॉंखिजों राइज्यो सरकार २०१६ माइथायावनो डिसकभार थानाय सम्पद मुंनि मोनसे हाबाफारिखौं लनाय जादों । फरायसुला-फरायसुलिफोराबो आसामनि बिखायाव थानाय सम्पद आरो जानो हाथावनखौं दिहुननानै राइज्योखौं सिगां फारसे लानानै थानांगोन होन्नानै गिबि मन्श्रिआ बुडे । गिबि मन्श्रिआ बुंभावयोदि, आसामनि फरायसुला-फरायसुलिफोरा जाहाथे आसामावनो गोजैौ सोलोंथाय लानो हायो बेनि थाखाय राइज्यो सरकार गुबुन गुबुन हाबाफारिफोरखौं आजावना लादों । राइज्योनि सिडाव गं ८ देहा फरायसालिमा, गं ९ इन्जिनियारि फरायसालिमा, गं ३२ पलिटैकनिक, श्रीश्री अनिरुध्ददेब गेलेमु मुलुग सोलौंसालि, माजुलि हारिमु मुलुग सोलौंसालि, श्रीश्री भटदेब मुलुग सोलौंसालि, श्रीश्री माधबदेब मुलुग सोलौंसालि, रबिन्द्र नाथ ठाकुर मुलुग सोलौंसालि, सती साधनी मुलुग सोलौंसालि बायदि गुबुन गुबुन गोजौं सोलोंथाय फसंथानफोरखौं लुंफुंनारयनि फारसे राइज्यो सरकार राहा लादों जाहाथे राइज्योनि फरायसुला-फरायसुलिफोरा सोलोंथायखौं लानो हायो । गावनि बिबुंथिनि गेजेराव गिबि मन्श्रिआ समाजनि लोरवां थारखोंनि फरायसुला-फरायसुलिफोरा जाहाथे फरायनो हायो बेनि थाखाय लनाय राहा आरो हाबाफारि बादिदैये सोलोंथाय जौंगाणारयनि थाखाय लनाय गुबुन गुबुन बिथांखिनि बाश्रखौं रायखोंडे । बे मेहेर गोनानं हाबाफारिआवनो बाहागो लानानै सोलोंथाय, रांखान्थि बिफाननि मन्श्रि हिमन्त बिश्व शर्माआ गावनि बिबुंथिनि गेजेरजों गोदान लाइमोन फरायसाफोरखौं डिजिटेल बिजौंनि गेजेरजों सिनायथि होनायनि थॉंखिआव २००५ माइथायाव जागायजेन्नाय आनन्दराम बरुवा बान्था रानानै होनायनि बिथांखिनि सिडाव दासिम गासै सा ३ लाख ७३ रोजा ८५५ फरायसुला-फरायसुलिफोरनो होबोनारयनि अनगाथैबो २०२० माइथायनि गोजौं सोलोंथाय आन्जादनि फिथाइआ फोसाव जानारयनि उनावनो थॉंखि आजावना लानाय बादिदैये दिनेनि समाव बे माननि बान्थाखौं होनो हानायाव जोबोद गोजेन्नोनाय मोन्दं होन्नानै फोरमायो । सोलोंथाय बिफाननि मन्श्रि शर्माआ बुंनाय बादिब्ला, थानाय २०१६ माइथायाव जेब्ला राइज्यो सरकारा खुंथायखौं सामलायनारयनि उर्ननिफ़्रायनो राइज्योनि सोलोंथाय बिथिडाव आरो सोलोंथायखौं साफ्रोमबो सुबुंफोरंन खीथिआव लानारयनि थाखाय सरकारा माखासे गोनानं राहाफोरखौं आजावना लादों । राइज्यो सरकारा बेबायदि गोनानं हाबाफारिखौं आजावना लानारयनि थाखायनो दिने फरायसाफोरनि उश्रिसारनाय फिथायखौं मोजाइडैमोनो हादों होननानै बुंभावो । बे बान्था रान्नाय हाबाफारिआव सोलोंथाय बिफाननि सिफ सेक्रेटारि बि कल्यान चक्रबर्तीआ बराय बिबुंथिखौं लाखिनाय हाबाफारिआवनो आसाम सरकारनि सिप सेक्रेटारि कुमार सन्जय कृष्णाआबो बिबुंथि लाखिदों । हाबाफारिआव एमएएए आङ्ग्लता डेका, सेबानि आफदागिरि राकेस चान्द जैन, आसाम गोजैूसिन सोलोंथायनि आफदागिरि डू दयानन्द बरगहाइ, गेजेर सोलोंथाय सामलायगिरि फनिन्द्र जिदुं आरो गोबां गोजौं थारखोनि बिबानगिरिफोराबो बाहागो लादोंमोन □

सनितपुर जिल्ला एबसुनि दैदेन्नायाव गुबुन गुबुन जायगायाव कमिसनरनि सोद्रोमाफोरखौं गाव गोनाडै बरायदों

(□ *१ बिलाइनिफ़्राय*) आलासि महैर बाहागो लानानै मिरु बर' फरायसा आफादनि लेइइ आफादगिरि एबा बिटिआर गोरोबथा कमिसननि सोद्रोमा जयन्त बसुमतारिआ बुडोदि, सोलिफु बोसोरनि थानाय २७ जानुवारिखालि भारत सरकार आरो आसाम सरकारजों जानाय बिटिआर गोरोबथाबादिदैये कमिसन दाफुंनाय जादों आरो बे कमिसनआव मोनथाम बिबान होनाय जादों । जेराव बर' मेजरिटि गामि जानांगोन एबा ट्राइबेल मेजरिटि जानांगोन । माखासे बर' आफदाफोरा दाबिनाय बादि दासान्दि मोनब्रै जिल्लायाव गामि सोसन्नाय आरो गामि दानख 'नायजों लोगोसे मोनब्रै जिल्लानि बाइजोयाव थानाय बिटिआरआव हाबनो नागिररनाय माखासे गामिफोरबो थिसनजागोन । बे बरायनाय हाबाफारियाव गोदाने दाजानाय कमिसननि सोद्रोमा दालिम बायनआबो गावनि बेसेन गोसा बिबुंथिखौं लाखियो आरो बे हाबाफारियावनो बाहागो लादोंमोन मिरु दुलाराय बर' फरायसा आफादनि बोसोनगिरि खुंश्वा शर्गियारि, लेइइ नेहाथारि खोरोमदाव औवारि, सुबुं फोनांजाव नेहाथारि बिरदाव बसुमतारि, रेतरेन्द्र दैमारि, सोलोंथाय लोगो नेहाथारि अबित नार्जारि, उदालगुरि जिल्ला दुलाराय बर' फरायसा आफादनि धरनी बर', नगेन बसुमतारि, सनितपुर जिल्ला बर' फरायसा आफादनि लेइइ आफादगिरि तपन बर', सनितपुर जिल्ला बर' थुनलाइ आफादनि आफादगिरि अमृत दैमारि आरो गोबां दैदेनगिरिफोराबो बाहागो लादोंमोन □

बिसायख 'थि खुंनांगौनि दाबिजों बि पि एफनि सोमावसारनाया सोलिगासिनो

(□ *१ बिलाइनिफ़्राय*) राजथावनि कक्राझाराव अक्ट्बर दाननि गेजेरवनो बिसायख 'थि खुंनांगौनि दाबिजों बिपिएफ दोलोआ मोनसे सुबुं सोमावसार हाबाफारि लायो । जोहोलाव दैमालु लामाजों नांजाबफा बिपिएफ मावख 'निफ़्राय जागायजेन्नाय सोमावसार हाबाफारिया दैमालु लामा जनानै जिल्ला बेंगिरिसिम रहैयो । सा १०० निबो बांसिन स्मिक इउनियननि सोद्रोमा आरो मावथिफोर आखायाव फ्ले कार्ड आरो बेनार लानानै थाबैनो बिसायख 'थि खुंनो दाबि देखाडे आरो गिबि मन्श्रि सर्बानन्द सनवालजों लोगोसे राइज्योनि बिसायख 'थि आयगनिसिम गोसोखां बिलाइ दैशयहरो । मख 'नाय बायदिब्ला कक्राझार जिल्ला स्मिक इउनियनआ बे हाबाफारिखौं लादों इउनियननि आफादगिरि जनाकि प्रसाद बसुमतारिया बुंनाय बायदिब्ला बे रेलीखौं गुदियै बिसायख 'थि खुंनांगौनि दाबिजों खालामनाय जादों । गुबुन फारसे मोनाबिलिनि समाव बिटिआरनि बिसायख 'थि खुंनांगौनि दाबिजों आखायाव बन्जार लानानै सुबुं हस्त्रिखावनाय हाबाफारि लानायखौं नुनो मोन्नाय जायो । जिल्लानि गुबुन गुबुन ओन्सोलफोरव लनाय बायदिनो कक्राझार टउन्नाव बिपिएफनि मावथि आरो दैदेनगिरिफोरा बे हाबाफारिखौं लायो । जेराव बरग' मार्गफुं सोद्रोमा दनेश्वर गयारिबिबो बाहागो लायो । बे हाबाफारिखौं रुपनाथ ब्रह्म लामानि प्रगटि भवानाव मार्गफुंजायो । कक्राझार जिल्ला बिपिएफनि आफादगिरि देहासार बसुमतारियाबो दोलोनि मावख 'याव लनाय सुबुं हज्रिखावनाय हाबाफारियाव बाहागो लाबावदों । बिथाड थारबैनो बिटिआरनि बिसायख 'थि खुंनो राइज्यो सरकार आरो बिसायख 'थि आयगखौं खावलायो । □

सासेबो दायनिगिरियानो

बारग 'नाय नडा: गिबि मन्श्रि

(□ *१ बिलाइनिफ़्राय*) गोमजैरे संदानबाय थानाय जादों आरो बे संदान्नाया जाहाथे गेजेरनि जानानै सोलिलांबाय थायो बेनि थाखाय आसाम पुलिसखौं बिथोन होनाय जादों । गिबि मन्श्रिआ मख 'नाय बायदिब्ला बेखौं लानानै रावजोंबो आपस खालामनाय जानाय नडा । कलाक्षेत्रयाव खुंजानाय मोनसे हाबाफारियाव खौरंगिरिफोरजों जानाय मोगा-मोगियाव बे बाश्रखौं मख 'यो । गिबि मन्श्रिआ बुंदोंदि, आसाम पुलिसनो माखासे सम होनांगोन । मानोना पुलिस बिफानआ दासिम गोबां जाफुंसारनो हादों । जौंहा गोगोम फोथार्यथि दडर्दि, सोंथि बिलाइ लिंकआउट खालामनाय जाथायजों लोब्बा गोनानं दायनिगिरिफोरखो पुलिसआ थारैनो दिहुनो हागोन । गिबि मन्श्रिआ बुंभावदों मेलेमगोनानं आरो रेंगौंथि गोनानं बिजाथिफोर जाहाथे उन जानानै थानाइ आरो थार बिजिरनाय मोनो बेखौं राइज्यो सरकार गोखों नोजोर लाखिदों । गिबि मन्श्रिआ मख 'नाय बायदिब्ला गोदान दिसन्थाय बर्डखौंबो गोदाने दाफिन्नाय जाबाय । बे बर्डआनो फेगौं समाव आन्जाद खुंनानै गासै राहाखौंनो लागोन होन्नानै मिथिहोयो । राइजो-रजा आरो खौरंगिरि समाजखौंबो गोखों बिफान लानो हांखायो गिबि मन्श्रिआ □

करनानि थासारिया मुलुगनाडैनो

गिथावनसिन महर लागासिनो दडः

(□ *१ बिलाइनिफ़्राय*) आरो बेखायनो आरो २८ रोजा मार्गथिफोरनि थिसन्थाय राहाखौं दोन्थ 'नाय जागोन । डि गार्डियाननि बायदिदैय्ला डिजनी दारिमिननि टिम पार्क बिजनेस सेक्टयव २८ रोजा मार्गथिफोरनि साबि्रखौं दोन्थ 'नारयनि थाखाय थिरंथा लानाय जादों । मख 'नाय बायदिब्ला करनानि थाखायनो टिम पार्कआव सुबुंफोरनि फेनाया जोबोर बाइइ जाबाय आरो जायनि थाखाय दारिमिना गोबां जेंनाजों मोगा-मोगि जानांदों । बोहैथि सानसिम मुलुगनाडै थैनारयनि बिसाना १०.१२ लाखनिबो बांसिन जाहैबाय । गार्डियाननि बायदिदैय्ला दारिमिनआ प्लरिड, पेरिस, सानगाइ, जापान आरो हंकंआव टिम पार्क बेखेवनाय जादोंब्लाबो सुबुंफोरनि थैनाया जोबोर बाइइ । केलेपर्यियाआव थानाय मोनै पार्कखौं माब्लाबानो बन्द ' खालामनानै होनाय जाबाय । □

लाइमोन बिपिएफ आरो बिएसइउआ गसाइगावयाव सोमावसारदों

(□ *१ बिलाइनिफ़्राय*) कभिड–१९ नि थाखाय दिन्दांनानै थानानाय बिटिसिनि बिसायख 'थिखौं फेगौं २७ अक्टबरखालि थुंगेनो गोनानं राइज्यो बेंगिरिनि खुंथाया थुंगेनारयनि सिगां-सिगां बिटिआरनि बिसायख 'थि खुंनो बिपिएफ दोलोजों लोगोसे गुबुन गुबुन दोलो आफादआ दाबि देखांदों । गसाइगाव टाउनाव लाइमोन बिपिएफ आरो बिएसइउआ लानाय हाबाफारियाव जौंनो बिसायख 'थि नांगौं, जौंनो सुबुं खुंथाय राहाजों दैदेनजानाय सरकार नांगौं बायदि स्ल 'गानजों गसाइगाव सहरखौं रिखांहोयो । बे हान्जा सुरनाया गसाइगाव बिपिएफनिफ़्राय जागायजेन्नानै डिके लामा जानानै सिगांलाडे आरो गसाइगाव महकुमा मावख 'याव थुंगेहैयो । बेनि उनाव बिसायख 'थि खुंनो थाखाय दाबि देखानानै गिबि मन्श्रि सर्बानन्द सनवाल राइज्योनि बिसायख 'थि आयगनिसिम गसाइगाव महकुमा बेंगिरिनि गेजेरजों गोसोखां बिलाइ दैशायहरो । बे गोसोखां बिलाइनि गेजेरजों जाहाथे राइज्यो बेंगिरिनि खुंथाय समखौं फोलावदेय बेनि थाखायबो खावलायनाय जादों । □

फरायसुला-फरायसुलिफोरनि गेजेराव थुलुंगांखां हाबाफारि

(□ *१ बिलाइनिफ़्राय*) लानानै उश्रिसार जानाय फरायसुला फरायसुलिफोरखौं बरायनाय आरो मान बावनायबो जायो । बे हाबाफारियाव फोरोंगिरि एबा समाज सिबियारि सुकुर सिं मुसाहारिजों लोगोसे गागु खौरंगिरि एबा समाज सिबियारि भृगुमुनि राय, बासुगाव गुदि देहाफाहामसालिनि फाहामगिरि गन्देश्वर हाजं, प्रांन चुत्रधरमोनहा बाहागो लायो । □

दिनै बड 'लेन्ड आलासि बांलायाव एमपि नब कुमार शरनिया

(□ *१ बिलाइनिफ़्राय*) खालामदों । कक्राझारनि बड'लेन्ड आलासि बांलांयाव गाफेनानै शरनियाआ सरकार दागोनखौं गले-गले दाबिदों । बिसायख 'थिखौं लानानै रावजोंबो एलाइन्स खालामाखे होन्नानै दाबिनाय नब शरनियाआ गावनि गन' सुरक्षा पार्टीआ बांसानखो मासि लागोन आरो सरकार दागोन होन्ना दाबिदों । खौरंगिरि मेलनि गेजेरजों अनावर 'फोरनि सर्दार होन्नानै गावखोंनो जाहिर खालामबोनाय एमपि नब ' कुमार शरनियाआ कभिड–१९ नि लानो गोनानं राहाफोरखौं लानारयनि गेजेरजों थाबैनो बिटिआरनि बिसायख 'थि खुंनो दाबि देखाडे । गावनि गन' सुरक्षा पार्टीआ सरकार दायोब्ला बिटिआरखौं जाख्ल 'नाय उदां खालामगोन होन्नानैनो फोजेबो एमपि नब ' कुमार शरनियाआ । बिटिआर गोरोबथानि सायाव फिनजाथाय बिनायाव शरनियाआ फिनजाथाय होनाय बायदिब्ला बिटिआर गोरोबथाखौं सोमावसार आफादफोरजोंल ' सावरयनाय जादों नाथाय बड'लेन्ड ओन्सोलाव थानाय गुबुन गुबुन दोलो आफादफोरजों सावरयनाय जायाखे । कक्राझाराव गाफेनया नब ' कुमार शरनियाआ लाफिकुल इस्लाम जाथायखौं सिबिआइनि गेजेरजों संदान्नायखौं रिपट होनो खावलायनानै बे रिपटखौं राइजो-रजानि गेजेरव फोसावयनानै होनांगौं आरो दार्यनिगिरिखौं साजा होनांगौं होन्नानै मख 'यो । शरनियानि सायाव गोबां समावनो लाफिकुल जाथायनि सायाव फंसेबो वुडैनि अजद सिखारबोदों । अदेबानि बिटिआर बिसायख 'थिनि सिगां सिगां लाफिकुल जाथायनि सायाव लाफिकुल जाथायनि सायाव गारं बोनायखौं नुनो मोन्नाय जायो ।

बावैसो बिटिआर आर्मीनि सायाव बेरफ़ूसार बिबुंथि होनाय धनन्जय शरनियानि बिबुंथिनि बागै रोखा खालामनो सान्ना शरनियाआ बुंनाय बायदिब्ला धनन्जयनि बिबुंथिया जेबो बिथा गैया आरो धनन्जय शरनियाआ बिटिएड आर्मीनिबो कामान्धार नडामोन । गुबुन गुबुन समाव बर'फोरनि हेंथायै जेंना गोनानं बिबुंथि होनो मोजां मोनप्रा नब कुमार शरनियाआ धनन्जय शरनियाखौं समाजयारि आबुथि गोनानं समाजनिफ़्राय फेनाय सुबुं नडा होन्नानै मख 'नायजों लोगोसे बिथाड अरायबो गुबुननि सायाव अजद गोनानं बिबुंथि लाखिनो मोजां मोनप्रा सुबुंसो होन्नानै दाबि खालामो । बेबायदिनो ओन्सोलाव थानाय आइन बरेखा हाथियारफोरखौं जब्द खालामनो खौरंगिरि मेलनि गेजेरजों दाबि देखाडे । □

बिटिसि बिसायख 'थिखौं थारबैनो खुंनांगौनि दाबियाव बिपिएफआ बन्जार लानानै हान्जा सुरदों

(□ *१ बिलाइनिफ़्राय*) बेबायदिनो बाक्सा जिल्लानि सिडाव थानाय गासै मोन ११ बिटिसि बियाव फारियै-बागानपारा, दिहिरा, मुसलपुर, खख्ताबारि, मतनगुरि, सालबारि, गयबारि, सुख्ताय सेरफां, गोरस्वर आरो नाग्रिजुलियाव बिपिएफनि सोद्रोमाफोरा बन्जार लानानै बिटिसिनि ब्रैथि बिसायख 'थिखौं थारबैनो खुंनांगौनि दाबि देखाडे । फासैंथिं बागानपारा, मुसलपुर आरो दिहिरा बियाबनि बिपिएफ हान्जानि बिजाथि फारियै-फलिन्द्र बसुमतारि, अन्सुमै खुंगुर बर ' आरो राजेश बरालआ खौरंगिरिनि सिगाडव बुडोदि, कभिड–१९ खौं नोजोर होनानै आसाम सरकारआ बिटिसिनि बिसायख 'थिखौं खुंनो थॉंखि लायैआ थारैनो जोबोद दुखु नांथाव । मानोना कभिड–१९ नि गेजेरावबो दिदैे हादतनि माखासे राइज्योफोराव बिसायख 'थि खुंनो साखा-फारा जानायजों लोगोसे माखासे राइज्योयाव बिसायख 'थि खुंलांबाय । नाथाय बिटिसिनि बिसायख 'थिखौं खुंनो थाखाय आसाम सरकारआ मानो नाजायाखे होन्नानै सोंथि देखाना बेनि सायाव मोनसे गिदिर खेंसार हाबनानै दं होन्ना बुंनायजों लोगोसे बे खेंसारखौं माब्लाबाबो जाफुंसार जानो होनाय नडा होन्नानै बुंथियो । बिथानंमोना फेगौं २७ अक्टबरनि सिगांनो बिटिसिनि बिसायख 'थिखौं खुंनांगौं होन्नानै राइज्योनि बिसायख 'थि आयगनिसिम दाबि देखाडे । फासैंथिं बिसायख 'थिखौं खुडेब्ला ब्रैथि खेबनि थाखाय बिटिसियाव बिपिएफआनो सरकार दाफिनगोन होन्ना दाबि खालामो । □

बाबरी मसजिद जेंनाखौं लानानै बिजिरसालिया होनाय रायखौं आडबानी आरो मनहर जशिआ बरायनानै लाबाय

(□ *१ बिलाइनिफ़्राय*) आरो बारग' गिबि मन्श्रि कल्यान सिंह, उमा भारती, बिनय कातियारजों लोगोसे गुबुन सा ३२ अजद गोनानं सुबुंफोरखोबो नांगौं बायदि साखि गयैनि थाखाय उदां खालामनानै हायो । सिबिआइ जुनिया बिजिरसालिनि बिसारगिरि एस.के. यादवआ गावनि हाबा मावनाय बुब्लिया थुंगेनारयनि सिगां-सिगां जोबथा बिसार राहाखौं दैदेन्नानै बुडोदि, बाबरी मसजिद फोजेबख्सांनाय जाथाया गिबियावनो सानख-हखा खालामनाय जाथाय नडामोन । बे जाथायजों लोब्बा गोनानं होन्नानै मख 'जानाय सुबुंफोरनि हेंथायै नांगौं बायदि साखिनि आंखला । बेखायनो बिजिरसालिया मानिनो गोनानं जावबायदि, सिबिआइनि बिजिरसालियाव होनाय अजदफोरनि सायाव रोखाथार जेबो रेखोर्मनि फोरमान मोन्नो थाड । अदेबानि माखासे समाज बरेखा गोहोफारि सिडाव थाखोमानानै बे जाथायखौं महर होदोंमोन ।

ए्रैहाय सिबिआइनि बिजिरसालिया बे रायखौं होनायनि लोगो-लोगो बारग' लेइइ गाहाय मन्श्रि एबा नखर मन्श्रि लाल कृष्ण आडबानीजों लोगोसे मनहर जसिआ फिनजाथाय होनानै मख 'योदि, दिनेनि साना जोबथा थिरंथा लानारयनि गेदरेथार सान आरो जों बरयनिबो थाखाय रंजानाय सान । आडबानीआ मख 'नाय बायदिब्ला जेब्लानो बे जोबथा बिजिरनायनि रायखौं खोनानो मोनो अब्लानो जय श्री राम होन्नानै बेखौं बरायनानै लादों । मुर्ली मनहर जशिआबो बिजिरसालिनि बे रायखौं जारिमिनारि होन्नानै मख 'दों । मुस्त्रि जशिआ मख 'नाय बायदिब्ला बिजिरसालिनि बे रायआनो रोखा खालामोदि, ६ सेप्टेम्बरखालि मोनबो रोखोमनि खेंसारि सनाय जायाखेमोन । जौंनि हान्जा सुरनाय आरो हाबाफारिया मोनबो रोखोमनि खेंसारि सानायजों लोब्बा गैयामोन । बे रायखौं लानानै जों गोजेन्नोनाय मोन्दं आरो बरायनायजों लोगोसे राम मन्दिरनि लुफुंथायखौं लाना जोबौरैनो थुलुंगांखांनय होन्ना फोरमायदों । □

गुबुन गुबुन दोलो आफादनिफ़्राय गिबि मन्श्रि सनवालखौं लोगो हमदों

(□ *१ बिलाइनिफ़्राय*) आफाद आरो कच आइजो आफादआ दंफायोमोन । गुबुन फारसे गर्खां आरो आदिबासि हारिनि थान्दै दोलोआबो आसामआव अटन 'मास वेलफेयार काउन्सिल दानानै होनो दाबि देखाडे । गुबुन फारसे आदिबासि हारिनिफ़्राय गिबि मन्श्रिनि खाथियाव थाबैनो एसटिनि जेंनाखौं फोजेबनो दाबि देखाडे । □

आत्म निर्भर आसामखौं दाफुंनारयनि बेलायाव मिथिंगायारि

सम्पदआ गोनांथार बिफाव लायो: गिबि मन्श्रि

(□ *१ बिलाइनिफ़्राय*) ट्राइबेल सुबुंफोरखौं फालांगि आरो रांखान्थियारि बिथिडाव गोखों खालामनारयनि असिला लानानै बेखेवजेन्दोंमोन । बे बिथांखिनि नोजोर आरो थॉंखियानो जाबाय हाग्रानिफ़्राय दिहुनजानाय दिहुन्थायफोरखौं भिडिडिकेनि आवथायाव ब्रेन्ड खालामनानै हाथायनि खालु खालामनानै होनाय । राइज्यो नाडै डब्लिउपिटि एन्ड बिसि बिफाननि आवथायाव भिडिडिकेहा दिनेंसिम मोन ५० रोखोर्मनि गुबुन गुबुन जाथोनि ब्रेन्डफोर दड ।

बे बेखेव फोर्बांयाव गिबि मन्श्रि सर्बानन्द सनवालआ भिडिडिकेनि सोद्रोमाफोरजों सावरायलायो । बे हाबाफारियाव डब्लिउपिटि एन्ड बिसि बिफाननि मन्श्रि चन्दन ब्रह्मआ बुंनाय बायदिब्ला आसामनि मिथिंगायारि सम्पदफोरखौं बाहायनानै रांखान्थियारि बिथिडाव गोखों खालामनो त्रिसाम एबा टिआरआइएसएसएमआ गोखोंथार मोनसे बिफाव लागोन । गुवाहाटीनि आइआइइआ लानाय मैखोम बिफावखौं मुस्त्रि ब्रह्मआ बाख्यानयनजों लोगोसे राइज्यो सरकार फारसेनिफ़्राय गासैबो रोखोर्मनि मदत आरो हेफाजाबखौं होनाय जागोन होन्नानै फोरमायो । बेबायदिनो सा-सान्जा राइज्योनि गेजेरव ट्राइबेल रांखांथि आरो फालांगियारि बिथाखौं गोखोंसिन खालामनारयनि सायावबो मुस्त्रि ब्रह्मआ जर हायो । गुवाहाटी आइआइइनि बिथोनगिरि फारसेनिफ़्राय त्रिसानआ भिडिडिकेखौं गोखोंसिन खालामनो थाखाय लनाय गुबुन गुबुन रोखोमनि बिफावफोरखौं फोरमायथियो । जयन्त मल्ल बरुवाजों लोगोसे मन्श्रि भबेस कलितआ आरो डब्लिउपिटि एन्ड बिसि बिफाननि कमिसनार आरो सेक्रेटारि ड० एम अंगमुतुआबो लोगोसे दंफायोमोन । □

सिबियारि आरो गुबुन गुबुन दैदेनगिरिफोरनि बाहागो लानायाव धोरोम फोसावगिरि जगेश्वर ब्रह्मखौं जोबथा बिदाय होनाय जाबाय

(□ *१ बिलाइनिफ़्राय*) बायदिब्ला दुलाराइ ब्रह्म धोरोम फोसावर्दि आफादनि गोनांथार बिबान रजुनबोनायजों लोगोसे ब्रह्म धोरोमनि गाहाय फोसावगिरि महैर हाबा मावलांनाय जगेश्वर ब्रह्मखौं थानाय २९ अक्टखालि गोबांथार सिबियारि आरो दैदेनगिरिफोरनि बाहागो लानायजों बिदाय होनाय जादों । मख 'नाय बायदिब्ला बिथाड देहानि माखासे जेंनाजों भुगिनानै दंमोन आरो फाहामथायबो लादोंमोन । बेबायदिनो फाहामथाय लाखानारयनि उनाव देहायाव मोजांबो जावबायमोन । नाथाय देहायाव लोभजानाया नुजाथिदोंमोन्ब्लाबो बोहैँथि समनि करुना महामारिनि थाखाय देहाफाहामसालियाव थिसन हैनो मोजां खबु गयैलाइ गुबुन रहाजौं फाहामथाय लागासिनो दडमोन । अदेबानि देहानि थासारिखौं गात्रिसिन नुनायलाय बिथांखौं बिक्वनाथ जिल्लानि जेके देहाफाहामसालियाव फाहामथायनि थाखाय लांदोंमोनब्लाबो अब्थिरा बे मुलुग संसारखौं अरायनि थाखाय नागारलाडे । बिथांनि रंसारि जानायखौं सा-सान्जा राइज्योयाव गोसारनानै थानाय ब्रह्म धोरोम सिबियारि सुबुंफोरजों लोगोसे गुबुन गुबुन दोलो आफादनि फारसेनिफ़्राय गोथौं दुखु मोन्नाय फोरमायो ।

जोबथा बिदाय फोर्बांखौं बिथांनिनो आंगो गामियाव मंगलबारखालि लानाय जायो । कभिड–

आइपिएलजों बिग बस 14 नि टिआरपिआव गोहोम गोलैनो हागौ

गोदान दिल्ली, 30 सेप्टेम्बर : बिग बस आरो आइपिएल (इन्डियन प्रिमियर लीग) आ भारतीय टेलिभिजन आब मोनो गिदिर इभेन्ट। जेराव बिग बस आ थानाय सिजेनआव गोबां मोजां टिआरपिखौ बांहोनाने माखासे रेकॉर्ड फोरखौ सिफायदोमोन आरो गुबुन फार्सिंथि लाइफ मेचनि नुजाथियैआ बे खेबआव आइपिएलखौ मोनसे स्पेशल इभेन्ट बानायदों। आइपिएलआ जागायनाय लोगो लोगोनो गोबां मोजां मोनजादों, जायनि उनाव आथिखालाव 3 अक्ट'बरनिफ्राय बिग बस 14 खौ अन एयर खालामनाय जासिगोन। श्व'जों सोमोन्दो गोनां सुलुंआ फोरमायदोंदि, बिग बसनि नायगिरिफोरनि सायाव माखासे गोहोमा थारैनो गोलैनो हागौ, नाथाय जाय सुबुंफोर। बे श्व'नि फोथायजाथाव नायगिरिफोर, बिसोरो रिपिट टेलिकास्ट एबा

डिडिटेल प्लेटफर्मनि गेजेरजों एपिसडखौ नायनो हागोन। बिग बसआ हरनि 10.30 रिगानिफ्राय जागायगोन, बे समावनो आइपिएलनि मेचआ रमन्टिक ममेन्ट जायो। मेचआव जेन्नाय देरहानायनि थांखि लानाया बे समावनो जायो। जानो हागौ क्रिकेटनि जावलिआफोरा बेखौ ओरैनो हगारहरनाय नड। बेयो बिग बसनि मेकासनि थाखाय मोनसे टेस्टिं पिरियड जागोन। जुरि टिआरपिआव बांसिन गोहोम गोलैयोब्ला बियो गावनि टाइम स्लटखौ हरनि 11 रिगायावबो खालामनो हागौ। सुलुंआ फोरमायबावदोंदि, श्व'नि मेकासनि थाखाय सलमान खानआ स्पेसेल महरै शनिवार आरो रबिबानि एपिसडसआव बयनिखुडबो बांसिन सेलेन्ज गोनां जागोन। सलमानखौ मोनफ्रोमबो वीकेन्ड श्व'आव नुनो मोनो, जायफोर एपिसडफोरखौ 9 रिगानिफ्राय



फोसावदि खालामनाय जायो। बे श्व'आ 4 सप्ताह जाब्ला मेकासफोरा गिलिर बिबानखौ रुजुनानो हागौ। आथिखालाव बे टाइम स्लटआव जायखि जाया रोखोमनि सोलायनायनि सायाव दासिमबो सावरायनाय जायाखे। लकडाउननि समाव ससियेल मिडियानि बाहायगिरिफोर। गोबां बांबाय। बिग बसनि मेकासफोरा बेनि मुलाम्फाखौ लागोन। श्व'खौ ससियेल प्लेटफर्मआव हिट बानायनो थाखाय मेकासआ आबुडै नाजनायाव नांथाबदों। मख'नो गोनांदि, सरासन्धा महरै आइपिएलखौ एप्रिल-मे दानआव जागायोमोन। आथिखालाव लकडाउननि जाहोनाव बे इभेन्टखौ पस्टपन खालामनादों। फार्सिंथि केबिसि 12 खौबो सनी टिभिआव 28 सेप्टेम्बरनिफ्राय जागायबाय।

शेकर कापुरआ फिल्म एन्ड टेलिभिसन इन्स्टिटुटनि गोदान प्रेसिडेन्ट आरो गभर्नि काउन्सिलनि सेयारमेन जाबाय

पुणे, 30 सेप्टेम्बर : फावखुंगुर सुशान्त सिं राजपुतना थैनायनि उनाव बलिउड नेपटिज्मनि आयदाखौ गोखोडे दैखानाय शेकर कापुरखौ फिल्म एन्ड टेलिभिसन इन्स्टिटुट अफ पुणे (एफटिआइआइ) पुणेनि गोदान प्रेसिडेन्ट आरो एफटिआइआइ गभर्नि काउन्सिलनि सेयारमेन थिसनबाय। मिरुनि फोरमायथि आरो फोसावदि मन्थि प्रकाश जावडेकरआ टुइनि गेजेरजों बेनि खौरांखौ राइज्योआरि खालामनाने लिरदोंदि, बेखौ फोरमायनाने गोसो थुलुंगाखांनय मोन्दोंदि मुंदांखा सावथुन पार्सनेलिटि शेकर कापुरखौ एफटिआइआइ ससाइटिनि आफादगिरि बानायबाय आरो बिखौ



एफटिआइआइ आरो गभर्नि काउन्सिलनि गोदान सेयारमेन बानायबाय। 74 बोसोरनि शेकर कापुरआ हादतनि मुंदांखा सावथुन फावगिरिफोरनि गेजेराव सासे। भारत सरकारआ 2000 आव बिखौ पद्मश्री बान्थाजों सन्मान होदोंमोन। शेकर कापुरआ मासुम, बेन्डिट कुइन, मिस्टर इन्डिया, एलिजाबेथ आरो बेन्डिट कुइन बायदि बायदि मोजां सावथुनफोराव फाव खालामदों।

अक्षय कुमार आरो बाणी कापुरआ लन्डनआव बेल बटम सुटिनि थाखाय थियारि जाबाय



लन्डन, 30 सेप्टेम्बर : बलिउड फावखुंगुर अक्षय कुमार आरो फावखुंगुर बाणी कापुरआ ग्लासग'नि सुटिखौ फोजोबनायनि उनाव गावसोरनि

रिलिज जानो गोनां सावथुन 'बेल बटम'नि सुटिनि थाखाय थियारि जादों। अक्षय कुमारआ गावनि इन्सटाग्रामआव बिसि टिक्कल खान्ना आरो

फिसाज्ला आरबजों लोगोसे सावगारि सेयार खालामदों, जाय आथिखालाव ब्रिटेनआव दड। बियो बेवहाय केप्सन होनाने लिरदोंदि, मोनसे फ्रेमआव गोबां हेप्पी महर, जाय मोजां सेजयुलनि फिथाय। गुड बाय ग्लासग'। हेल् लन्डन। रन्जित एम तिवारीनि गेजेरजों बिथोन होनाय 'बेल बटम'आ मोनसे स्पाइ थ्रिलार सावथुन। बेवहाय लारा दत्त आरो हुमा कुरेशीआबो फाव खालामदों। सावथुनआ एप्रिल 2021 आव रिलिज जानायनि आसा दड।

पायल देबआ मीका सिनि सुपारहिट देंखोखौ रिक्रिएट खालामसिगोन

गोदान दिल्ली, 30 सेप्टेम्बर : देंखोगिरि पायल देबआ मिउजिकखौ गोदाने रिक्रिएट खालामनायनिफ्राय जानगाराव थानो बोसोन होदोंमोन। नाथाय जेब्ला बियो बावैसो समाव मोनसे मोजाम पप हिटआव आखाइ फोलावयो अब्ला बियो मोन्दांथिदोंदि, मोनसे बयजोंबो मोजां मोन्जानाय देंखोनि जादुखौ गोदाने

मोनफिन्नाया मोगथाडारि महाराव सेलेन्ज गोनां। पायलआ 90 जौथाइआव रिलिज जानाय मीका सिनि हिट देंखो 'सावन में लग गइ आग'खौ रिलिज जानो गोनां रमन्टिक कमेडि सावथुन गिन्नी वेडस सनीनि थाखाय रीक्रिएट खालामदों। बेनि सोमोन्दे पायलआ बुंदोंदि, गाव सरासन्धा महरै गोजाम देंखोफोरखौ रीक्रिएट



खालामनायनिफ्राय जानगाराव थायो, नाथाय सावथुननि बिनद बच्चन जीआ गावनो सावन में लग गइ आग'खौ गोदान महरै रिक्रिएट खालामनायनि बिबानखौ होदों आरो बेखौ सावथुनआव दिन्थिदों, बे आइकनिकआव बे जादुखौनो लाबोफिन्नांगोआ गावनि थाखाय मोनसे गिदिर हाबाफारिमोन आरो बेयो

सेलेन्ज गोनांबोमोन। अरिजनेल देंखोखौ मीकाया रोजाबदोंमोन। गोदान देंखोआव बियो नेहा कक्कड़ आरो बादशाहजों लोगोसे बानायनाय हाबाफारियाव देंखोनो गारांखौ होगोन। पायलआ 'गिन्नी वेडस सनी'आव बिक्रान्त मेसी आरो यामी गौतमनि सायाव सावथुन बानायनाय ट्रेकखौ कम्पज्ड खालामदों।

गाहाम देहानि राहा

सयाबिनआ देहानि मोजां बान्जायनाय लाबोयो

प्रटिन आरो गुबुन माखासे तत्वफोरजों आबु सयाबिनआ जेरै जानायाव गोथाव देहा सोलेरनि थाखायबो मुलाम्फा गोनां। देहाखौ सयाबिनआ डाइबिटिस, वेट लस एबा देहानि लेरथाय बाडाइ खालामनाय आरो केन्सार बायदि बेरामफोरनिफ्राय जानगाराव लाखिनायाव मुलाम्फा गोनां। बेयाव प्रटिननि अनगायै भिटाभिन आरो खनि मुवाफोरखौबो आबुडैमोन्नाय जायो। सानफ्रोमबो सयाबिनखौ जानाने देहायाव माखासे पषक तत्वफोरखौ सुफुंनो हायो। सयाबिननिफ्राय माखासे मुलाम्फाखौ मोनो जेरै-

(1) जायखि जाया मेलेमनि बेराम दडब्ला डाइटआव सयाबिनखौ लाफानांगौ। सयाबिनआ मेलेमखौ सामलायना एबा मेन्टल



बेलेन्सखौ गाहाम खालामनाने मेलेमखौ गोखों खालामो। (2) सयाबिनखौ जानायाव बाहायबाय थायोब्ला बिखाणि बेरामफोरा जानाय नड। बेनिखायनो बिखाणि जेना गोनांफोरनो सयाबिन जानो सुबुरुन होनाय जायो। (3) हाइ ब्लाड प्रेसारजों लोब्ला गोनां बेरामफोरनि थाखायबो सयाबिन जानाया मुलाम्फा गोनां। सयाबिनखौ सानफ्रोमबो जायोब्ला हाइ ब्लाड प्रेसारनि जेनाखौ कन्ट्रल एबा सामलायना लाखिनो हायो। (4) उदैयाव फिलो जादोंब्ला सयाबिनखौ जानांगौ। सयाबिननि सास दोडोब्ला फिलोआ लासैनो गैया जालाडो। (5) डाइटआव आइजोफोरा सयाबिनखौ जानायनि हुदा खालामोब्ला हाराफोरनि लोरबां जानाय अस्टियपरसिम बायदि जेनानिफ्राय रैखाथि होयो। (6) सयाबिनआव लेसिथिन मोन्नाय जायो जाय लिभारनि थाखाय मुलाम्फा गोनां।

गिबि मन्थिनि रैखाथि थुबिलआव एटिडिसिनि 1.6 कौटि रानि अन्सुंथाय

(1 बिलाइनिफ्राय) दिने बिफानआरि मन्थि चन्दन ब्रह्मआ एटिडिसिनि मासिगिरि जयन्त मल्ल बरुवाजों लोगोसे मख'जानाय अन्सुंथायनि गांसे सेकखौ गिबि मन्थि सबीन्दन सनवालनि आखायाव गथायनाने होयो। आसाम एडमिनिस्ट्रेटिव स्टफ कलेजआव लाजानाय बे हाबाफारियाव गिबि मन्थि सनवालआ बिफानारि मन्थि चन्दन ब्रह्मजों लोगोसे मासिगिरि जयन्त मल्ल बरुवानो साबायखर जासियो। बे रंखौ नांगौ बायदि गोनांथार हाबायाव बाहायनाय जागोन होनाने गिबि मन्थिया बाश्रा होयो।

बिटिसियाव थाबैनो बिसायख'थि खुंनो शिब सेनानि दाबि

(1 बिलाइनिफ्राय) शिब सेनाया। आसाम राइज्यो आफादनि जिल्ला फोनांजाब आयदानि गहाय शिब सन्दासागान होनाने देथायहलनाय गांसे बिबुंसाव मख'नाय बायदिब्ला गासै बिटिसि टेला-रिक्सा इडनियन, आइजो आफाद आरो गुबुन गुबुन नांजाबफा दोलोफोरा जुथायैनो फेगौ अक्टबर दाननि गेजेराव बिसायख'थि खुंनो थाखाय दाबि देखाडो। दोलोआ राइज्यो बेंगिरिनि खुंथाय आमोला थुगेनायनि सिगां-सिगां बिसायख'थि खुंनो होनाने दाबि खालामो। बिसायख'थि खुंनो जाहोनाव जोगालु हाबा-हुखाफोर जोबोरैनो गात्रि महर लादों होनाने फेगौ माखासे सानफोरवबो बेबायदिनो थायोब्ला गिलुबालु जेनाया जोमोन मोनगोन होनाने मख'दों। गुदियै बिटिआर्याव बिसायख'थि खुंनो थाखाय बिपिएफ दोलोनिफ्राय जागायनाने गुबुन गुबुन दोलो आफादफोरबो दाबि देखांसासिनो दं। मख'जानाय शिब सेना मुनि दोलोआ गिबि मन्थि, मिरुनि देहा बिफाननि मन्थि आरो बिसायख'थि आयगनिमिमबो लाइजाम देथायहरनायनि बाश्रा।

बासुगावयाव बिपिएफनि सुबुं हस्त्रिखावनाय हाबाफारि

(1 बिलाइनिफ्राय) बड'लेन्ड शिब सेना बिटिएडि बंगाली फेडरेसन इ-रिक्सा इडनियन आरो आइजो बिपिएफनि सोद्रोमाफोर बाहागो लायो। बेबादिनो चियं ब्लक, चियं दुवार ब्लक आरो काजलगाव ब्लकनि मावख'फोरवबो रोखोमसे हाबाफारिखौनो लानाय नुनो मोन्नाय जायो।


गसाइगाव एसएसबिआ मानसि आरो जुनातनि फाहामथाय होदों

(1 बिलाइनिफ्राय) आन्जाद खालामनाने मुलि जगायो आरो नुजाथिनाय बयखौबो जाफलेबाय थाग्रा बेराम आजारनि सायाव गुवाँरे फोसमायथियो आरो सांघ्राथि होयो। 31 एसएसबि फार्सेनिफ्राय लानाय बे हाबाफारियाव सुमित नेन', गौरब परवाल, डा० तिति हतजब, डा० एस मन्दल आरो गुबुन गुबुन बिबानगिरिफोर बाहागो लायो।

कचुगावयाव मैदेरनि हाथायजों लोगोसे साब्रै सुरां फालागिरिफोरखौ एरेस्ट

(1 बिलाइनिफ्राय) एसएसबि आरो ग्रीन परेस्ट कनजारभेसन बेसरकारि गौथुमनि सोद्रोमाफोरनि बाहागो लानायाव सानजारि औवारि अरफे जासुलाखौ सिगांग्रों हमनो हायो। जासुला एबा सानजारनि सिमान लानाय बायदिबेनो महेन्द्रपुर राजाबारिनि नबिन बसुमतारिनि फिसाज्ला रिसार बसुमतारिया मैदेरनि हाथाय फक्खोमानाने दोन्नायखौ सिमान लायो। बेनि उनाव फुं समावनो नबिन बसुमतारिनि थाग्रा न'थाव थानाने रिसारखौ खायो आरो जेरा खालामनायाव गासैबो जाथाया सोराडव फेयो। रिसारनि सिमान लानाय बायदिबेनो न'नि खाथियाव थानाय हाग्रा गेजेरनिफ्राय फबनाने दोन्नाय गंनै मैदेरनि हाथायखौ बोखानो हायो। बेबायदिनो मैदेर हाथायखौ बोखानो हाखांनयनि उनाव सानजारि आरो रिसार बसुमतारिनि फोरमायथिनाय बायदिबे गुबुन गुबुन जायगानिफ्राय सुरां फालागिजों लोब्ला थानाय तुलुंगा बसुमतारि आरो चन्द्र सेकर बसुमतारिखौ खानो हायो। जाथायनि बागै रेन्जार प्रान्जल टालुकदार खौरां बिजोनि सिमाडव फोरमायनाय बायदिब्ला कचुगाव डिभिजननि सिडव थानाय 6 नं राइथार मुनि गुदु हाग्रानि गेजेराव मैदेरनि हार आरो बिगुर बोखानो हानाय जादोंमोन। बे जाथायखौ गुदि हमनाने संदान्नायनि उनावनो मख'जानाय सुबुंफोरखौ खानो हानाय जादों आरो दिनेसिमबो सानैआ खारखोमानाने दड। एरैबाय बे फालागिजों गोबां सुबुंफोरनि मुड सोराडव फेनो आद्रा दंवाबोब्लाबो सोर-सोर बे फालागिजों लोब्ला जानाने दडबेखौ उनावसो मिथिनो हानाय जागोन। जाथाया गासै ओन्सोल नाडैनो गोखों फिनजाथाय सोमजिहोदों।

सनु सुदनो गुबुन राइज्योनि लेवारफोरखौ मदत खालामनायनि थाखाय हारिमायारि बान्था होदों



गोदान दिल्ली, 30 सेप्टेम्बर : करना भाइरास इनफेक्सनि गेजेराव फावखुंगुर सनु सुदानो गोनांथि जानाय सुबुंफोरनि थाखाय राफोदाय महरै सोराडव फेदों। फावखुंगुरआ लकडाउननि समाव माखासे गुबुन राइज्योनि लेवारफोरखौ गाव गावनि न'आव देथाय हरनायनि हाबाफारि मावदों। बेनि उनाव फावखुंगुरआ सुबुंफोरनो खामानि होनो, थानायनि बेवस्था खालामनो आरो गथ'फोरनो सोलेंथाय होनो हाबाफारि मावगासिनो दड। बेफोर हाबाफारिफोरनि जाहोनावनो बिनो हारिमायारि थाखोआव सन्मान होनाय जादों। समाजयारि हाबाफारिनि थाखाय सनु सुदखौ इउनाइटेड स्टेट्स डेभेलपमेन्ट प्रग्रामनि फारसे मुंदांखा एसडिडि स्पेशल हिउमेनिटेरियेल एक्सन एवार्डजों सन्मान खालामदों। फावखुंगुरनो बे बान्थाखौ बार्चुल ए सेरेमनिआव होदों। बे सन्मानआव गोजोन्नायकौ फोरमायनाने फावखुंगुरआ बुंदोंदि, इउएनडिपिखौ हेफाजाब खालामो। बेयो मोनसे आगोमा सन्मान। इउएननि गनायथि मोन्नाया गोबां जर'खा। आं जायखि जाया रोखोमनि आसा गैया लासे गावनि हादतनि सुबुंफोरनि थाखाय हाबाफारि मावदों, जायखौ आं हायो। आथिखालाव बे रोखोमनि सन्मान मोन्नायजों गोसोखौ गोजोननाय मोन्दों। गाव 2030 सिम एसडिडिखौ मोननो हानायनि नाजानायाव इउएनडिपिनो आबुडै हेफाजाब होगोन। बे थांखिजों मुलुग आरो सुबुंमाहारिया गोबां मुलाम्फा जागोन। ससियेल मिडियाआव सावथुन स्टारफोरनिफ्राय लानाने बिनि फेन्सफोरा बे एवार्डनि थाखाय बिनो गाहाम हाम्लार्यथि बाउदों आरो बे हाबाफारिनि थाखाय बाख्नायदोंबो। बे एवार्डखौ मोननायजों लोगोसेनो सनु सुदानो माखासे हारिमायारि फावगिरिफोरनि फारिलाइआव थाफादेरबाय, जायफोरखौ सिगाडव बेजों सन्मान होखांबाय। सनु सुदनि सिगां एन्जलीना जली, डेभिड बेकहम, लियनाड डिकेप्रिय, एमा बाटसन, केट ब्लेन्चेल, एन्टिनिय' बेडेरेस, निकल किडमेन आरो प्रियंका चपडानोबो इउएननि फार्से आलादा आलादा एवार्डजों सम्मान होखांबाय।

बिजेपि सरकारनि हेंथायै अबर' सुरक्षा समिटिया सोमावसारदों

(1 बिलाइनिफ्राय) बिटिआर बिसायख'थिनि सिगां-सिगां दोलोनि थायोथायो गोखों खालामनो जन्जि खालादों। राइजो-यजाफोरखौ गोसोयारि नोजोरजों बोनथुमनाने लाखिनायनि नोजोरजों बायदि रोखोमनि हाबाफारि लानाने बिटिसिनि मुंखौ बिटिआर खालामनायनि थाखाय सनवाल देदेनाय आसाम सरकारनि हेंथायै सोमावसारो। दिने बागसा जिल्लानि दुमुनि मुनि जायगानिफ्राय बरबरिसिम माखासे अबर' सुरक्षा समिटिनि मावथिफोर राइज्यो सरकारनि हेंथायै बाइक रेलि दिहुनो। बिजेपि सरकार मुदाबाद, हिमन्त बिश्व शर्मा मुदाबाद बायदि स्ल'गानजों बाइक रेलि खालामो। मख'नाय बायदिब्ला बिटिआरनि हेंथायै जागायजेनाय बे सोमावसारनाया सोलिलांबाय थागोन।

करनानि समाव मदत मोन्नायनि थाखाय मालद्वीपआ भारतनो साबायख'र बाउदों

केलिफर्नियानि वाइन कन्ट्रीनि सुबुंफोर न' नागारनो गोनां जाबाय

गोदान दिल्ली, 30 सेप्टेम्बर : मालद्वीपनि रांखान्थि मन्थि आबुल्ला शाहिदआ इउएन महासभा (इउएनजिए) आव गावनि बिबुंथि होनाय समाव भारतनो साबायख'र बाउदों। कभिड-19 जों जुजिनयनि थाखाय भारतआ मालद्वीपनो 250 मिलियन डलार मदत हरदोंमोन। रांखान्थि मन्थि आबुल्लाया बुंदों, करनानि खैफोदनि समाव जायफोरा खैफोदजों मोगा-मोगि जानो थाखाय रांखान्थि, टेक्नीक आरो गुबुन मदत हरदों बिसोर बयनोबो आं साबायख'र बाउयो। भारतआ बे खैफोदनि समाव हाबा मावनानै मुंदांखा



जानो हादों। भारतआ मोनसे गिदिर रांखान्थि 250 मिलियन आमेरिका डलार हरनानै मदत खालामदों। बिथांनि बादिब्ला, कभिड-19 आ गावसोरनि हादतखों

गाज्रियै गोहोम खोखलैदों आरो हादतनि रांखान्थिआवबो गाज्रि रोखोंमे गोहोम खोखलैदों। मालद्वीपनि आयनि देरसिन फुंखाया दावबायनाय जाय

फुरायै बन्द जाना दं। बेनि जाहोननाव हादतनि रांखान्थिया दावखलायदों आरो फार्सेथिं रां दाहारआ बांदों। कभिड-19 जों गोहोम गोगलैनाय हादतफोरनो भारतआ मदत हरनाय हादतफोरनि गेजेरआव मालद्वीपआनो बयनिखुइबो बांसिन रांखान्थि मदतखों मोन्दों। रांखान्थिनि अनगायै भारतआ मालद्वीपनो गुबुन मदतफोरबो हरदों। जैरे रेपिड रेस्पन्स टीम, 5.5 टन मुलिफोरनि खेब, जाग्रा आदार, सामब्रामजों लोगोसे 580 टन रेसन आरो आबादबो दैथायहरदों।

नापा, 30 सेप्टेम्बर : थांनय समबारखालि फुडाव हाजोफोरनिफ्राय ओंखारनाय उखुन्दैखों नुनाय लोगो लोगो बिल आब्राम्सआ सपरिवार केलिफर्नियानि वाइन कन्ट्रीयाव थांनय गावनि न'खों हरखाबै नागारनाडो। बिथाछ ट्रकआव लेपटप, सि-जोम, स्लीपिं बेग आरो टेन्टफोरखों थाब-थाबे देखानानै रेखाथि जायगा फार्से ओंखारलाडो। मख'नो गोनांदि, थांनय 2017 आवबो आब्राम्सआ अरनि जाहोनावनो सेन्टा रजायाव थांनय गावनि न'खों नागारनादोंमोन। केलिफर्नियाआव थांनय वाइन कन्ट्रीआव गोखों वारनि



जाहोनाव थांनय समबारखालि आरोबाव खेबसे अरआ जोंब्लाउनानै माखासे न'फोरा सिलिंखार जायो। बेनि जाहोनाव सा 70,000

सुबुंफोरखों बेयाबनिफ्राय रेखाथियै दिहुन्नो हायो। बेनि सिगां बोसोरथाम सिगांबो सनमा काउन्टिआव बेबायदि अरआ गोसारदोंमोन आरो बेयाव सा 22 सुबुंफोरबो थैदोंमोन।

गार्से 15 रोजा अर हुखोमोरा मावसुमाफोरा नाजागासिनो दड। बे अरखों खोमोरनो थाखाय हेलिकप्टार आरो उरां जाहाजफोरनिबो मदत लागसिनो दड। केलिफर्नियानि हाग्राफोराव बे खेबनि अर नांनयाव दासिमाव 8 लाख 50 रोजा एकड ओन्सोलफोरा जोबस्रांदों। अदेबानि लैथोमा सेराव थांनयनि जाहोनाव बेयाव घन्टासेयाव 70 निफ्राय 80 कि:मि: नि गोखैथिजों बारा बरो।

सुलुखव फोरमायनाय बायदिब्ला, थांनय 1 दाननिफ्रायनो आमेरिकानि केलिफर्नियानि हाग्रायाव गिखंथाव अर नांदों आरो बे अरआ हाग्राफोरनि गिदिर ओन्सोलाव ग्लोबगासिनो दड। बे अरखों खोमोरनो थाखाय


भारतआव थांनय बोसोराव आइजोफोरखों जिनाहारि खालामनाय जाथाया 7 जौखोन्दो बांदों:सार्भे

गोदान दिल्ली, 30 सेप्टेम्बर: भारतआव थांनय 2019 आव सानफ्रोमबो सा 87 जिनाहारि केस मोन्नाय जायो आरो बोसोरसेनि गेजेराव आइजोफोरनि सायाव दायनि गासै 4,05,861 केस मोन्नाय जायो, जाय 2018 नि रुजुनायाव 7 जौखोन्दो बांसिन। सरकारनि फार्सेनिफ्राय फोसावनाय गोदान अन्जिमायाव बेनि खौरांखों होनाय जादों। एनसिआरबिनि अन्जिमानि बादिब्ला, हादरआव थांनय 2018 आव आइजोफोरनि हेंथायै जिनाहारिनि 3,78,236 केस मोन्नाय

जायो। खौराडव फोरमायनाय अन्जिमानि बादिब्ला, थांनय 2019 आव जिनाहारिनि गासै 32,033 केस मोन्नाय जायो, जाय बोसोरनाडै आइजोफोरनि सायाव खालामनाय दायनि गासै अन्जिमानि 7.3 जौखोन्दोमोन। सरकारनि अन्जिमानि बादिब्ला, थांनय 2019 आव भारतआव सानफ्रोमबो बुथारनायनि 79 केस मोन्नाय जायो। थांनय 2019 आव बुथारनायनि गासै 28,918 केसखों दैखानाय जादों जाय 2018 (29,017 केस) नि रुजुनायाव 0.3 जौखोन्दो बाडइ जादों।

बन्द जायगाफोराव एयार कन्डिसनि सिस्टेमजोंबो करनाया गोसोरदों : संदान्नाय

वासिंटन, 30 सेप्टेम्बर : जर्जिया मुलुग सोल्लोंसालिनि मोनसे गोदान संदाननायाव बन्द जायगाफोराव कभिड-19 आ बारजों गोसोरो बेखों गनायदों। संदानगिरिफोरा चीनआव कभिड-19 नि गोसारनायखों लानानै सासे बेरामिनि सायाव नायबिजिरदों, जाय बासनि एयार कन्डिसनि सिस्टेमनि गेजेरजों बासआव गोखोग्राफोरनाव भाइरासआ सन्देदों। इउजिएनि कलेज अफ पब्लिकआव पपिडि डि यलजिआय बायस्टेटिस्टिक्सनि एससिएट प्रफेसार ये शेनआ बुंदों करनाया बारजों गोसोरनायखों गोबाव समनिफ्रायनो सन्देह दं। नाथाय बेयो मोनसे थि जान्थायनि गेजेरआवल'। बावैसो समाव जेएएमए इन्टारनेल



मेडिसिनआव सेबखानाय संदाननायाव बे सोथिखोंनो सावरायदोंदि, कभिड-19 आ माबोरै गोसोरो। शेनआ बुंदोंदि, बेखों मानिना लानाय जादोंदि, ड्रप्सनि गेजेरजों कभिड-19 आ सन्देरो। बेखों समाजयारि जान्थाय आरो मोजाडै नेमखांन्थि बादिदै आखाइ सुनाय बायदिनो गोहोम गोनाडै

होबथानो हाया। बिब्दि सांग्रांथिनि गेजेराव कभिड-19 नि सन्देराय अन्जिमाया बांदों। शेन आरो बिनि लेडाइ लिगिरिफोरा इनेजियां राइज्योआव मोनसे गिदिर आउटडर फुजा खुंनयनि उनाव इनफेक्सनखों संदानो चीनआव बेराम सामलायनायनि मोनै मिरुनि इनफेक्सन

तामिलनाडुआव 31 अक्टूबरसिम लकडाउनखों बारायफिनबाय

चेन्नाइ, 30 सेप्टेम्बर: तामिलनाडु सरकारआ माखासे रेहाय होनायजों लोगोसे 31 अक्टूबरसिम राइज्योनाडै लकडाउनखों बारायनानै फोसावनानै होबाय। सरकारआ 1 अक्टूबरनिफ्राय 10 थिनिफ्राय 12 थि थाखोनि फरायसाफोरखों फोरेंगिरिफोरजों सोमोन्दो लानो फरायसालियाव थांनो गनायथि होनायखों होबथाफिनबाय। फरायसाफोरनि बिमा-बिफाफोरनि अजद होनायनि उनाव बे थांखिखों लानाय जायो। जिल्ला बिबानगिरिफोर आरो गागि बिबानगिरिफोरजों भाचुंएल जथुमखानायनि उनाव गिबि मन्थि के पलानो स्वामीआ



बुंदोंदि, कन्टेनेमेन्ट जनफोराव 2 नभेम्बरनिफ्राय होबथानाया सिगांनि बादिनो सोलिबाय थागोन लोगोसे सोल्लोथाय फसंथानफोर, सिनेमा हलफोर आरो मिउजियामआ बन्द थागोन। बेराफार्से अन्ध प्रदेशनि गिबि मन्थि वाइएस जगन महन रेडुआ मंगलबारआव बुंदों, राइज्योआव

नभेम्बरनिफ्राय फरायसालिआ खुलिनो हागोन। जिल्ला बिबानगिरिफोरजों भिडिअ कन्फारेन्सिआव गिबि मन्थिआ बुंदों आथिखालनि थासारिखों नोजोर होनानै 2 नभेम्बरनिफ्राय फरायसालिखों खुलिनो थांखि लानाय जादों।

हादतआव सा 15 नि गेजेराव सासे इन्फेक्सन, गोजां बोथोराव कभिड-19 आ गिखंथावसिन महर लानो हागौ: आइसिएमआर

गोदान दिल्ली, 30 सेप्टेम्बर: आगस्टनि जोबनायसिमआव हादरआव सा 15 नि गेजेरआव सासे इन्फेक्सनजों भुगिनांदों। सहर ओन्सोलफोराव इन्फेक्सनआ जादों आरो गामियारि ओन्सोलफोराव खर्मसिन। आइसिएमआरनि नैथि सीर' सार्भेआव बेयो रोखा

जादों। आइसिएमआरनि हाहाय बिथोनगिरि डा: बलराम भार्गवआ ससिएल डिस्टेन्सिनि नेमखांन्थिखों गोखोडै फालिनायनि गोनांथिखों फोरमायनायजों लोगोसे बुंबावोदि, हादरआव गोबां सुबुंफोरनाव इन्फेक्सननि जेंनाया दंबावो। सार्भेनि रिपर्टखों

फोरमायनानै डा: भार्गवआ बुंदोंदि, 17 आगस्टनिफ्राय 12 सेप्टेम्बरसिम खालामनाय सार्भेआव 6.6 जौखोन्दो सुबुंफोरनाव करना भाइरासनि एन्टिबडि मोन्नाय जादों। अदेबानि इन्फेक्सन जानायनि हारखों स्लाम, स्लामनडै ओन्सोल आरो गामि

ओन्सोलफोराव आलादा आलादा मोन्दों। सहरनि स्लाम ओन्सोलआव बयनिखुइबो बांसिन इन्फेक्सनजों गोहोम गोगलैदों। बेयाव 15.6 जौखोन्दो सुबुंफोरनाव करना एन्टिबडि मोन्नाय जादों। बेराफार्से सहरनि स्लामनडै ओन्सोलआव 8.2 जौखोन्दो सुबुंफोरनाव आरो गामि ओन्सोलनि सुबुंफोरनाव करनानि एन्टिबडिखों मोन्दों। नैथि सीर' सार्भेआ करना भाइरासखों लानानै गोसारहोनाय नंखाय बाथाफोरखों जानगार खालामबाय। डा: बलराम भार्गवनि बुंनय बादिब्ला, करना भाइरासआ आइजोफोर, हौवाफोर, उन्दै गथ'फोर, लाइमोनफोर आरो बोराय-बुरै बयनावबो समानै गोसारो होन्नानै सार्भेआव रोखा खालामदों। सिगांनि सार्भेआव 18 बोसोरनि बांसिन बैसोनि सुबुंफोरखों लदोंमोन। नाथाय नैथि सार्भेआव 10 बोसोर बैसोनि बांसिन सुबुंफोरखों सार्भेआव लाफादों। 18 बोसोरनि बांसिन बैसोनि सुबुंफोरखों नायोब्ला 7.1 जौखोन्दो इन्फेक्सन जानाय मोन्दों आरो 10 बोसोर बैसोनिखुइ बांसिन सुबुंफोरनाव 6.6 जौखोन्दो मोन्दों। नैथि सीर' सार्भेखोंबो

सेथि सार्भेखों खालामनाय 70 जिल्लाफोरनि 700 गामि आरो सहरनि ओन्सोलफोरवोनो खालामदों। बेफोरनि सा 29,082 सुबुंफोरनि ब्लाड सेम्पल लानाय जादों आरो बिसोरनि करना भाइरासनि एन्टिबडिखों आन्जाद नायनाय जायो। नाथाय गिबि सीर' सार्भेआव आन्जाद नायनाय सुबुंफोरखों लानाय जायाखै। डाक्टर बलराम भार्गवआ बुंदों करनानि एन्टिबडिआ बेसेबां सम सुबुंनि देहायाव थायो बेखों संदानगासिनो दं। डा: बिके पालनि बादिब्ला, फाहामसालिफोराव माखासे एरैबादि बेरामिफोरबो फेगासिनो जायफोरनि थासारिआ करना इन्फेक्सन सन्देरायनै गोब्राब जादों। गोलेम बोथोराव गगा-गुजुनाय जानाया सरसन्हा आरो एरैनो मोजांबो जाफिनो। नाथाय गोजां बोथोराव बे जेंनाया गोब्राब जायो। करना इन्फेक्सनआ हां लानायजों लोब्बा गोनां गगा-गुजुनाय बायदि। बेनिखायनो गोजां बोथोराव बेरामिफोरनि थासारिआ गोब्राबसिन जानो हागगौ। डा: बिके पालआ सुबुंफोरखों 5 दानसिमहालागै जर'खा सांग्रांथिफोरखों लाखिनो सुबुरुन होदों।

हादतगिरि ट्राम्पआ करनजों थैनाय अन्जिमाखों रोखा खालामैनि भारतखों दाय होदों

गोदान दिल्ली, 30 सेप्टेम्बर : आमेरिकी प्रेसिडेन्सियेल डिबेटयाव डेमक्रेटिक केन्डिडेट जो बाइडेनजों लोगोसे दान्थे-बिदान्थे खालामनाय समाव आमेरिकानि हादतगिरि डनाल्ड ट्राम्पआ करना भाइरासनि थैनायखों लानानै गिदिर बिबुंथि होदों। हादतगिरि डनाल्ड ट्राम्पआ चीन आरो रुसजों लोगोसे भारतनि सायावबो करनजों थैनायनि अन्जिमाखों रोखायै फोरमायैनि दाय जाबसिन्दों। ट्राम्पआ बुंदों जुदि आमेरिकायाव थि समाव लकडाउनखों लायगाया मोनब्ला 2 लाखनिफ्राय बांसिन सुबुंफोरा थागौमोन। बेबादि जाथाय जानाया गासिबो चीननि गोरोन्थि। ट्राम्पआ जो बाइडेनखों थांखिनानै बुंदोंदि, जेब्ला गाव लकडाउन लागायदोंमोन अब्ला गावखों हेँथा होग्रा आरो बोरोन बोखावग्रा फोरमायदोंमोन। नाथाय डाक्टर फाउचीआ बुंदों, हादतगिरि ट्राम्पआ लाख लाख सुबुंफोरनि जिउखों रेखाथि होदों। मख'नो गोनांदि, आमेरिकीया फेब्रुवारी-मार्च दाननिफ्रायनो हादतयाव बन्द खालामनायखों जागायजेदोंमोन। ट्राम्पआ बयनिखुइबो सिगां माखासे हादतफोरनिफ्राय हारिमायारि उरां जाहाज बिरबोनायखों होबथादोंमोन, जायखों लानानै जागाय जेनायाव बिखों सावरायनाय जादोंमोन।

चीननि गंसे बिजिसालिआ सासे फोरेंगिरिखों जिउ साजा फोनांबाय

हंके, 30 सेप्टेम्बर: गेजेर चीननि गंसे बिजिसालिआ सासे किन्डार गार्डेननि फोरेंगिरिखों थैनायनि साजा खोनासंहोबाय। बि फोरेंगिरिनि सायाव सा 25 उन्दै फरायसाफोरनो बिष होनाय आरो गावनि हेफाजाब होग्राखों बुथारनायनि दायआव बे साजाखों होदों। दायनिगिरि फोरेंगिरिनि मुड वां युन। हेनान राइज्योनि जियाजुआ इन्टरमेटडिपिपुल्स कर्टनि बादिब्ला, वां युनआ दालियाआव नाइट्राइट गलायनानै होदोंमोन। बे दालियाखों 27 मार्च 2019 आव नास्तायाव उन्दैफोरनो जाहोदोंमोन। उन्दैफोरा दालिया जानायनि उनाव गोबानो हमो आरो बिसोरखों देहा पाहामसालिआव थिसन्नो गोनांबो जादोंमोन। बिजिसालिआ बुंनय बादिब्ला, गथ'फोरनि सासेआ जिउ गोमादों आरो गुबुनफोर नोरजिया जादोंमोन। बिजिसालिआ बुंदों वां युननि दाय मावनाया गोगलैसोनाय आखुनि, बेनि सोलो बाहायनाया गिखंथाव। बिनि दाय मावनाय आरो खैसार सानाया जोबोद गाज्रि आरो फिनजाथायआ गिखंथाव। बेनि जाहोनआवनो बिखों आइन बादिदै गोखों साजा होनांगो। बिजिसालिआ बुंनय बादिब्ला, 2017 आव वांआ गावनि फिसाइखों दैयाव नाइट्राइट बिष होनानै बुथारदोंमोन। बियो नोरजिया जादोंब्लाबो रेखाथि मोनो।

ADVERTISEMENT
Date : 29-09-2020
OFFICE OF THE DISTRICT & SESSIONS JUDGE, UDALGURI, ASSAM.

Applications are invited from citizens of India as defined under articles 5 and 6 of the Constitution of India for filling up the post of **Chowkider** in the office of the District & Sessions Judge, Udalguri.

Sl. No	Name of Posts with sanctioned numbers	No. of Post & Category	Scale of Pay	Qualification	Mode of Selection
01	Letter No. JDJ(E)-149/2005 /11 dtd 31.03.2007	01 (Un-reserved)	Rs.12,000-37500 +GP Rs.3900	Maximum Qualification HSLC Pass and fluent in one or more local languages/ dialects of Assam	Interview
02	Letter No.JDJ.196/85/118 dtd 13.02.1990	01 (Un-reserved)			

1.The candidate should not be less than 18 years and more than 40 years of age as on 01-01-2020. The Upper age will be relaxable as per norms, Govt. of Assam.
2.The dully filled up applications in standard form along with self attested copies of 2 (Two) recent passport size photographs, Caste certificate and other relevant documents should reach the office of the undersigned before the last date and same be dropped in the Drop Box "DROP BOX OF APPLICATIONS FOR THE POST OF CHOWKIDER" kept within the premise of District and Sessions Judge, Udalguri or by post. But, the application should reach on or before 19.10.2020.
3.The candidates serving in Govt. Department should submit their applications through proper channel. Preference will be given to the candidates working temporarily in the establishment.
4.Application Forms which are not complete will be summarily rejected.
5.Maximum qualification of the candidate is HSLC Pass. Candidates who appear in the interview by suppressing their higher educational qualification will not be eligible for appointment.
6.Candidates will have to appear in Viva-voce test only.
7.No TA/DA will be admissible at the time of interview.
8.Call Letters will be sent to the candidates in due time or will be uploaded in Udalguri District Judiciary website from where the candidates can download their Call Letters (www.udalgurijudiciary.gov.in).
9.The pension and other retirement benefits will be governed as per Govt. rules.
10.The last date of receiving application is 19.10.2020.

Sd/-
District & Sessions Judge
Udalguri, Assam

JANASANYOG/D/5169/20

सानराइजार्स हाइड्राबादआ आइपिएलआव गिबि मेचखौ देरहाजेन्दो

गेलेनायनि नेमखास्थिखौ सिमफायनायाव दिल्ली हान्जाया 12 लाख रां जुरिमाना



दुबाइ, 30 सेप्टेम्बर: भारतनि बाइज्योआव दासान्दि सोलिबाय थानाय 13 थि सिजन इन्डियान प्रिमियर लीग सु'द'थे आइपिएलनि थानाय हरनि समाव मोनसे मेचखौ दिल्ली केपिटेल्स आरो सानराइजार्स हाइड्राबाद हान्जानि गेजेराव गेलेदो। बे मेचखौ सानराइजार्स हाइड्राबादआ 15 राननि फायगथियाव दिल्ली हान्जानि हेँथाये देरहानो हायो।

इनाइटेड आरब इमारेटनि चेक जायेद स्टेडियमआव गेलेनाय बे मेचखौ मोनसे हान्जानि गेजेराव गोखौ गेलेनाय नुदोब्लाबो नाथाय हाइड्राबादनि एसेल' राननि होनाय टार्गेटसिम सौहेँनो हायाखिसै दिल्ली हान्जाया। मेचआव सिगां सानराइजार्स हाइड्राबादआ बेटिं खालामनानै 20 अभावरआव गासै 163 राननि टार्गेटखौ खालामनो हादोमोन। बे टार्गेटनि फिनायाव

दिल्ली हान्जाया सिगांनिफ्रायनो लासै गेलेनाय होनाय टार्गेटसिम सौहेँनो हायाखै। अदेबानि मोन 7 उइकेट खोमानानै 20 अभावरआव गासै 147 रानखौल' खालामनो हायो। हाइड्राबाद हान्जानि जानानै गेलेगिरि जनी बेयस्ट'आ 48 बलआव 53 रानखौ खालामनो हानायजो लोगोसे हान्जानि केपेन डेभिड वार्नरआबो 33 बलआव 45 रानखौ खालामनो हादो। गुबुन फार्से'थि राननि टार्गेट'खौ होसोनायाव गेलेनाय समाव दिल्ली केपिटेल्सनि मिजि'थिजानाय अपे नार बेटसमेनफोर एसे एसे रानआववो गेलेग्रा फोथारनिफ्राय ओंखारनो गोनां जादो। हान्जानि गेलेगिरि पृथिव शाहआ 2 रान खालामनानै भुन्नेस्वर कुमारनि बलआव आउट जायो। बेजो लोगोसे दिल्लीनि केपेन श्रेयस आयास 17 रान आरो शिखर धावनआ 34 रानखौ खालामनो हादोमोन। बिसोर

साथामनि उनाव दिल्ली हान्जाया लाइमोन गेलेगिरि ऋषप पन्तनि गेलेनायखौ मिजि'थिदोब्लाबो नाथाय बिन गोरोन्थिये गेलेनायनि जाहोनआव हान्जानि थांखि लानाय सिमाड फेलें जायो। बे मेचआव हाइड्राबादनि बलार रासिद खानआ मोनथाम उइकेटखौ लानो हादो। बेजो लोगोसे भुन्नेस्वर कुमारआबो उइकेटखौ लानो हानानै हान्जानि देरहानायाव गोनांथार बिफाव लादो। मख'नो गोनांदि, दासान्दि सोलिबाय थानाय आइपिएलनि गेलेनायाव दिल्ली केपिटेल्स हान्जाया गिबि खेब गेलेनाय मेचखौ जेन्नादो। गुबुन फार्से'थि सानराइजार्स हाइड्राबादआबो गिबि खेब सोलिफु आइपिएलआव देरहानो हानायजो आवगायनो हादो। थानाय हरनि समाव गेलेनाय मेचखौ जेन्नायजो लोगोसे दिल्ली केपिटेल्स हान्जाया गेलेनाय समाव लासै

अभावर खालामनायजो नेमखास्थि सिफायनायनि जाहोनाव मेच रेफारिआ गासै 12 लाख रां

जुरिमाना फोनांनय जायो। आइपिएलनि मोनसे प्रेस रिजिजआव रायखानाय बादिब्ला,

दिल्ली हान्जाया गेलेनाय समाव लासै अभावर खालामनाया थोँजोडे मेचनि नेमखास्थिखौ सिफायनाय

जादो। जायनि थाखाय दिल्ली हान्जानि सायाव 12 लाख रांखौ जुरिमाना फोनांदो।



सर्बानन्द सनवाल



गिबि मन्थि, आसाम गुवाहाटी

1 अक्ट'बर, माहारियारि गावयारि थै दान होनाय सान हामब्लायथि बाउनाय

दै दान होनाया गेदेर दान। थैनि सोलायनाय गैया। आधुनिक फाहामथाय होनाय, गोब्राब अपारेसन खालामनाय, थै गैयै, टेलाचेमिया, हिमटेलिया बायदि बेरामाव बुगिनांनय सुबुंफोरनो थै आरो थैनि गुबुन दिहुन्थायनि थाखाय जोबोद गोनांथार।

मुलुगनां देहा आफादनि (WHO) बायदियैब्ला दुलाराय मुलुगआववो खमैबो 1 जौखोन्दो थैनि गोनांथि जायो आरो गावयारि थै दान होनायजो बांसिन रेखाथि हिसाबै सावरायबोदो। बेनिखायनो गावयारि गोसो जानानै बिथांमोनखौ थुलुगाखां होनाय आरो सरासन्ना सुबुंफोरनि गेजेराव गावयारि थै दान होनायनि सायाव सांग्राथि खालामनायनि थाखाय बोसोरफोमबो 1 अक्ट'बरनि सानखौ माहारियारि गावयारि थै दान होनाय सान हिसाबै फालिबोदो जाहाथे गुबुन गुबुन जाहोनाव गोनांथि जानाय थैनि 100 जौखोन्दो गावयारि थै दान होनायनि गेजेरजो आजाववो हायो।

18-65 बोसोर बैसोनि साफ्रोमबो बेराम गैयै हौवा-हान्जावआ देहानि जेबो खहा जायालासै मोनफ्रोम 3 (थाम) दाननि गेजेराव जायखि-जाया सरकारि गनायथि मोन्नाय ब्लाड बैंक आरो गावयारि थै दान होनाय बादायाववो थै दान होनाया गोनांथार।

माहारियारि गावयारि थै दान होनाय साननि बे गोथार बुब्लियाव फे जौ साफ्रोमबो 100 जौखोन्दो रेखाथियै आरो गावयारि थै दान होनायनि थाखाय बाहागोदारि जानि।

Sarbanand Sanwal
सर्बानन्द सनवाल



आसाम राइज्योयारि थै सोस्लाय परिषद आरो आसाम राइज्योयारि एड्डस होबथा आफादनि गेजेरजो फोसाव जानाय
Assam State Blood Transfusion Council
JANASANYOG/DF/729/20



Assam State AIDS Control Society

बे समआ बार्सिलनाखौ खौसेथि खालामनायनि: लियनेल मेसि

माद्रिद, 30 सेप्टेम्बर: मुलुगनि गुबुन सासे गोखौंसिन फुटबल गेलेगिरि महेँ मिबथिसार जानाय लियनेल मेसिआ थानाय बावैसो साननि गेजेराव हान्जा नागारनो गोबां गोनो-गोथो जानायनि जेनाया जोबथायाव समाधान जानायजो दासान्दि बार्सिलना क्लबआव गेलेगासिनो दड। लियनेल मेसिआ थानाय सिजननि सेम्पियन्स लीगआव गोनां मेचखौ गात्रिये



मेसिनि गल होनाय हेफाजबजो बार्सिलनाया बिल्लारियेलखौ गोलैयैनो फेजेनो हादोमोन। फेगो समनि मेचखौ गेलेनो थियारि जानायनि सिगांनो लियनेल मेसिआ मोनसे सुलुडव फोरमायनाय बादिब्ला, बे समाव बार्सिलनाखौ खौसेथि खालामनायनि सम फेदो। लियनेल मेसिआ गावनि थांखि बादियै गुबुन क्लबआव गेलेहेँनो बाथ्रा होदो ब्लाबो नाथाय गेलेनायखौ गेलेनायबादि सानानै बार्सिलनाखौ फिन खौसेथि खालामनायनि फोसावदो। लियनेल

मेसिआ बुडोदि, सिगाडव जालानाय आनि गोरोन्थिखौ आंनो बिबान लाजोबगोन। लोगोसे बै समनि गेलेनायाव माबादि गोरोन्थि जायामोन बेनि सायावबो साबसिने बुजिनानै हान्जाखौ गोखौंसिन खालामनो नाजागोन होन्नानै बुडो। बार्सिलना क्लबआ गाबोन बृहस्पतिबारखालि ला लीगानि नैथि मेचखौ सेल्टा भिग' क्लबनि हेँथायै गेलेगोन।

मेसिआ बुडोदि, सिगाडव जालानाय आनि गोरोन्थिखौ आंनो बिबान लाजोबगोन। लोगोसे बै समनि गेलेनायाव माबादि गोरोन्थि जायामोन बेनि सायावबो साबसिने बुजिनानै हान्जाखौ गोखौंसिन खालामनो नाजागोन होन्नानै बुडो। बार्सिलना क्लबआ गाबोन बृहस्पतिबारखालि ला लीगानि नैथि मेचखौ सेल्टा भिग' क्लबनि हेँथायै गेलेगोन।



गोदान महाराव स्वयम

स्वामी बिबेकानन्द लाइमोन जौगाखां बिथांखि

www.svayem.in

आव मोनफ्रोम फालांगि हान्जाफोरनिफ्राय

आर'ज लाइ आजावनाय जादो-

- सेल्फ-हेल्प ग्रुप
- जइन्ट लाइबेलिटि ग्रुप
- आबाद दिहुन्थाय फसंथान
- क्लास्टार लेभेल एसपिभि/फेडारेसनफोर

जाथावनायै सायख' जानाय हान्जाफोरनि साफ्रोमबो सोद्रोमानो मोनै खोलोबाव 50,000 रां होनाय जागोन।

हान्जाफोरा पटैलयाव थिसन्नो गोनां गोनांथार फोरमानलाइफोर:

- हान्जाफोरनि बैंक एकाउन्ट पासबुक*
- हान्जाफोर एबा बेनि सोद्रोमाफोरा जेबो लन गैयै होन्नानै गावयारि मुसाय होनांगोन आरो हान्जाफोरनि गुबुन सासेबो बिथांखिनि मुलाफायारि जानो मोन्नाय नड*
- हान्जाफोरनि पेन कार्ड (जुदि मोनो हाथावनाब्ला)

गावयारि पटैलयाव थिसन्नो गोनां गोनांथार फोरमानलाइफोर:

- गोजौ सोलौंथाय आन्जादनि एबा गोजौंसिन सोलौंथाय लानायनि फोरमानलाइ*
- गावयारि सिनायथि फोरमान बिलाइ (आधार, पेन कार्ड, भटारनि सिनायथिलाइ, पासपर्ट, ड्राइभिं लाइसेन्स
- बायदि जायखि-जाया मोनसे)*
- पेन कार्ड*

सेल्फ-हेल्प ग्रुपनि फालांगि आरो जाखांफुनाय इयुन जोलै लाइमोनफोरखौ रांखान्थियारि मदत होनायनि थांखिजो गोदान महाराव स्वयम बिथांखिनि सिडाव आर 'जलाइ थिसन्नो आसाम सरकारआ आर 'जलाइ थिसन्नायनि सम सिमनाखौ

7 अक्ट'बर, 2020

सिम बारायनाय जाबाय

जायगानि दारिमिन
आरो गामियारि रांखान्थिखौ
बांसिन जौगाखांहोनायनि थांखिजो

आबुडैमिबेथिनो <https://www.svayem.in/> आव लग इन खालाम

*बिथांखिखौ मोनो थाखाय फोरमानलाइ थिसन्नाया गोनांथार



मुसि सर्बानन्द सनवाल
मान गोनां गिबि मन्थि, आसाम सरकार

JANASANYOG/D/5229/20

रांखान्थि बिफान, आसाम सरकार